

東坡書齋

司空表聖文集目錄

第一卷

雜著

將儒

宣城遺事

容城侯傳

議華夷

天用

說鷺

第二卷

一鳴集

司空圖字表聖

銘秦坑

辯楚刑

移雨神

上譙公書

與王駕評詩

國家圖書館 NATIONAL CENTRAL LIBRARY, TAIWAN, R.O.C.



司空表聖

文集目錄

卷一

雜著

將儒

宣城遺事

雜著

與李生論詩書

題柳柳州集後

休休亭

山居記

注懲征賦後述

題東漢傳後

貽王進士書

太原王公同州修堰記

與惠主書

第三卷

雜著

疑經

疑經後述

復東君後書

與極浦書

月下留丹竈

與臺承書

書屏記

第四卷

雜著

送草書僧歸越

絕麟集述

荅孫少書

段章傳

華夷圖

烈婦傳

說魚

第五卷

碑

文中子碑

盧公神道碑

王公主祠碑

第六卷

碑

王縱追述碑

華帥許國公德政碑

解縣新城碑

第七卷

雜著

王公行狀

上考公

石氏墓誌

復安南碑

第八卷

雜著

題山賦

共命鳥賦

釋怨

春愁賦

情賦

連珠

詩賦

第九卷

雜著

温州仙巖寺碑

三賢贊

觀音贊

李翰林寫真贊

今相國地藏贊

香巖長老贊

王貞公贊

相國老君

化莫雕刻律疏

澤州靈泉院記

第十卷

雜著

壽星述

觀音懺文

雲臺三官堂

注愍征賦述

成均諷

擢英集述

迎修千會齋

十會齋文

障車文

司空表聖文集目錄

國家圖書館, NATIONAL CENTRAL LIBRARY, TAIWAN, R.O.C.



司空表聖文集卷第一
雜著

將儒

銘秦坑

紀恩門宣城遺事

辯楚刑

容城侯傳

移雨神

議華夷

上譙公書

天用

一鳴集



國家圖書館, NATIONAL CENTRAL LIBRARY, TAIWAN, R.O.C.

與王駕評詩

說鷺

將儒

儒以將道肥其內也武以將威肅其外也未有內自瘠而外能勸者焉嗟乎古之用儒其所寄誠重矣儒之將道必欲張其治也獨將之不足修其道故分已之任以寄於人亦由資衆力以夷大略綽然其甚闕也如有用於時者天下不幾平聲於治哉嗟乎後之為儒其力寢羸矣簡固以自持窘默而多知所以任之於已不知所以任之於人而責之故雖用於時道亦削然不喻將儒之摧耳且古之言兵必本於仁義及是則一決之勇未足為武一智之謀足以奪其機矧兼吾道以制於未萌哉嗟乎道之不可振也久矣儒失其柄武玩其威吾道益孤勢果易凌於物削之又削以至於傭晏於武可也必將反是請先將儒

銘秦坑

秦術及儒厥民斯酷秦儒既坑厥祀隨覆天覆儒讎儒祀而家秦坑儒耶儒坑秦耶

紀息門王公宣城遺事疑

上四年春以大河南王公治狀宜陟詔假礼部尚書按察宣歙池三郡既即治未涉時吏化民悅盡亡可為冬十月賊始自同安分濟入屠至德在池州公遣將琢疾

以兵助守池州州亦有備城少却會其黨繼至聲言和
壁實欲轉襲南陵公揣之如其計命樊儵進扼青陽路
儵故自彭門分公察其捷決而易敵誠之邀險無得輕
動儵往去會謀者言寇少將遁氣欲生沮之麾兵不顧
既而越險賊遽至軍遂委而逸間二日馳歸以敗告公
數其違命五斬以徇諸將在南陵聞之者皆股慄以死
綴賊故青弋江淠恣為備青弋在江南東陵也人亦不
遙笑公前命寧國兵遮截之生得其階白殺十騎乃並
山引退四月兗渠復大入而都紀王涓亦自采石起援
公宴勞加禮且諭之曰益惡情詐吾盡得之矣緩則虜
以自張急則紹降而脫死無他謀也今席勝而驕謂吾

城不勞而可綴則攘臂而東前無絲髮之礙笑若知吾
堅壁待之其勢自斲將軍第按甲捨威以伺其隙慎勿
與之驟戰也涓意銳自州城日趨四舍至南陵未會食
而陣遮死之明日中貴人復飲敗卒尚四五千傷痛之
聲與塵埃相雜而至江南雅自怯獨幸北軍以為固及
間消敗相顧失色賴公前策涓不足持拒守益嚴又城
中水乏而泉自躍出人心益牢竟免攻圍之患既踰月
中貴人沮挽無去意卒橫不能禁公以書讓之曰吏之
捕蝗者既不克勝而且仰食於民是率暴以濟災也今
將軍纂天下精兵挫於狂寇而又恣之裨民不得治其
生業何以稱主上所以待將軍之意哉中貴人訶誑趨

發其親吏入里舍歐奪民馬公乘門望之麾左右互提
置杖殺軍愕眙不敢留自後日夕撫猶常若寇復至者
其儲蓄繕完之利到今賴焉噫公始以傑德峻望為時
聳服而夙持恢濟之心人莫能見雖不得致其道以和
平天下然捍境敵鄰不涸得賦亦足濟庸而塞恨耳愚
嘗襲跡門下受知特異敢次見聞以開史氏之聽

辯楚刑

楚謂獻璞者欺我乃連刑之酷哉曰彼獨鑿之不勝耳
然其嗜寶之心皆達於卞子故連刑之無怨王亦卒受
於楚國嗟乎國之嗜賢宜急於楚之嗜寶也必嗜賢上
心達於天下則負財求進者雖黜於見疑亦未為怨必
有釋其疑者則其卒用於世也可幾矣不猶愈於易其
知而嫉其進者耶嗟乎刑與辱上之所以肆於下也楚
無嗜寶之心亡豈受刑上無嗜賢之寶士豈受辱必待
誠門而絕愧哉

容城侯傳

容城侯金炯者本蜀嚴道人附山而居同族中多見搜
採其先因秦時調發詣尚方輸作世苦之乃誡子孫易
其服色必以清厲自進後徙居上洛會郡中盧生范生
皆傳修鍊之術委質相資因砥磨以致用上聞而器之
召見嘉其鑿局且謂毫髮無隱屢顧屬之歷試臺閣號
為明達挾奸邪以事上者見之膽慄輒自披露至於婦

人女子媚嫵之態亦不能掩也其察之如此雖待物無私方圓不礙然疵陋者終惡忘積毀於上以為背而不相副炯亦自病於狹中不能以塵垢混其跡也竟被斥後有月蝕之變時宮漏下數刻上臨軒念其規益復急召俾其道所以然者扣之響應不疲上異焉命以容城侯奉朝請而宗人派別於廣陵者炫飾求售陷為輕薄子權戚中或聯然自意則狹玩不戢至或被以維綉蓋便其俯仰取容雖穿鼻服後亦無耻耳既稍進炯又鄙其為人乃復以諛廢歸老子家太史公曰炯之遠祖當軒轅時已化服於祝融氏得薦於上能強記天象地形草木蟲介萬殊之狀皆視諸掌握蓋其術亦規模洪範耳物怪遇之莫不惴息自廢後益親幸上晨興必先至則與冠冕者偕進號為壽光先生不名也子孫稍下哀然流寓太原者始尚玄亦以精鍊見重親炯雖任用兢之唯恐失墜不善悔匿果為邪枉所嫉幾不能免噫大雅君子既明且哲以保其身難矣哉

後雨神

夏滿不雨民前後走神所刻羊豕而跪乞者凡三而後得請民大喜且將報祀愚獨以為惑何者天以神乳育百穀必時既豐然後民相率以勞去聲神之勤於事而祀焉今始怪其施以愁疲民是神怠天之職也必希民之求而遂應是神玩天之權也既應而俾民輸怨於天

歸惠於己是神攘天之德也推怨何以為義判腥羶之
饋何以為仁息天下之事何以為敬茂是數者何以為
神假日非吾所得顯然知民之情而不時請正是亦徒
偶於位此愚所以惑也噫天不可終謾民不可久侮竊
為神危之奈何

議華夷

議天下之大勢者滯而拘古必曰固於德剛而簡謀必
曰弭於威是皆不足扼阨危之機也必濟德於謀濟謀
於險庶幾可以壽宗社之數矣前古迂儒聵耳援據滋
惑不能中今之急病而近朝有心於經制者杜司徒之
治道李安邑之地志元中書之安邊不謂不馳騁於古

今成敗之際也唯賈僕射聃并苞華夷綿絡山川披圖
摘要繁而不齊可謂勤而至精者矣雖然量力救時當
置遠荒於度外國史事有追惜而不可形於紀述者或
闕防戰而不守或控制議而不行或倉廩弄而不保利
害之効可見於斯愚是以翫而不厭也雖失之已久得
不慮哉

上譙公書

再拜伏愚以布衣犯將相之威者迹皆指笑率為狂愚
是輕薄子不能以恢然之量待舍賢傑也相公得不念
之耶其跡拘世累而業久於山援古勸今思有所發者
蓋竊惟近朝據重位而勇蹈功名之列耻天下有遺材

直吾相國也又敢求吾相國之心所以未忍弃生民之望者固非濡於富貴豈不以常持大柄事或阻心且復弛張俾無遺恨於不朽耶愚以是竊抃有以企天下之福矣雖在於至愚猶有輕慮誠以相公既當有得賢之盛將尤以惜失自持既嘗獨決機權將尤以事不足問則黨附之嫌或興而專美之道可隘耳請陳具說夫用人也固得矣亦在知失之不足蓋為明則偽者懲而實者勸且無傷於愛士處事也固濟矣又知謀之不必自我為知則聽日廣而神明不勞且無傷於好謀是道也蓋哲賢用之而不竭相公得之而不疑但懷至公自無愧古然後文尚制科之選武西屯北之虞 前年已上蜀相

書抑簡誕以捐空峻規程而括實則病應適時之宜盡笑此皆相公夙自貯於沉實而小子雖吃悻不能面發願激揚於片詞耳非為挾利之資也抑自古釣奇而售跡者既多以分蹇動無所合且實必俟臨機方見其萬一非敢率易併黷尊威于犯之誅則不復自同輕薄子以為疑懼俟命再拜

天用

材軼而鷲捷者不待賦而後食蓋濟已之絀得以自任也龍雖善致風雲然必有所稟而後能施其澤吾知其不能自神矣苟專其用而汲於濟物亦將救禍之不能給雖川岳靈孰可撓其所守哉噫時乎時蓋賢哲之

所宜稟唯用天之用然後功約而濟博

· 與王駕評詩

足下末伎之工雖蒙譽於哲賢亦未足自謂必俟推於其類而後神躍而色揚今之執藝者反是若即醫而斬其病也唯恐彼之善察藥之我攻耳以是率人以謾莫能自振痛哉痛哉且工之尤者莫若伎於文章其能不死於詩者比他伎尤寡豈可容易較量哉國初上工好文章雅風特盛沈宋始興之後傑出江寧宏思於李杜極矣右丞蘇州趣味澄復若清沈之貫達大曆十數公抑又其次元白力勅而氣孱乃都市豪估耳劉公夢得揚公巨源亦各有勝會浪仙無可劉德仁輩時得佳致亦足

滌煩厥後所聞徒褊淺矣河分蟠鬱之氣且繼有人今王生者寓居其間沉漬益久五言所得長於思與境偕乃詩家之所尚者則前所謂必推於其類豈止神躍色揚哉經亂索居得其所錄尚累百篇其勤亦至矣吾適又自編一鳴集且云撐霆裂月劫作者之肝脾亦當吾言之無怍也道之不凝

說鸞

鸞雖同類有巧拙之目生人構其寢始就而拙者遽巢其間巧者繼至必搏而逐之俾之他室雖童稚亦以為恨里人不能決其去留者蓋辯之不早辨耳噫彼之所工豈能自同其室已或為拙者所沮人尚惜之然則賢

不肖之取舍其利害於天下何如耳治亂之兆孰易于
此乃繫於所擇後先耳可不惜哉可不戒哉

司空表聖文集卷第一



國家圖書館, NATIONAL CENTRAL LIBRARY, TAIWAN, R.O.C.

司空表聖文集卷第二
雜著

與李生論詩書

題柳柳州集後

休亭

山居記

注慙征賦後述


題東漢傳後

貽王進士書

太原王公同州修堰記

與惠生書

一鳴集



與李生論詩書

文之難而詩之尤難。古今之喻多矣。而愚以為辨於味而後可以言詩也。江嶺之南。凡是資於適口者。若醯非不酸也。止於酸而已。若醢非不鹹也。止於鹹而已。華之人所以充飢而遽輟者。知其鹹酸之外。醢美者有所乏耳。彼江嶺之人。習之而不辨也。宜哉。詩貫六義。則諷諭抑揚。滄蓄溫雅。皆在其間矣。然直致所得。以格自奇。前輩編集。亦不專工於此。矧其下者耶。王右丞韋蘇州澄澹精緻。格在其中。豈妨於道舉哉。賈浪仙誠有警句。視其全篇。意思殊餒。大抵附於寒澀。方可致才。亦為體之不備也。矧其下者哉。噫。逝而不浮。遠而不盡。然後可以言韻。

外之致耳。愚幼常自負。既久而逾覺缺然。得於早春。則有草嫩侵沙短。冰輕著雨銷。又人家寒食。月花影午時。天。上句云。隔谷見雞犬。山首接楚田。又兩微吟足思。

花落夢無慘。得於山中。則有坡暖冬生筍。松涼夏健人。又川明虹照雨。樹密鳥衝人。得於江南。則有成鼓和潮暗。紅燈照島幽。又曲塘春盡雨。方響夜深船。又夜短猿悲。滅風和鵲喜。靈得於塞下。則有馬色經寒慘。鷓聲帶晚飢。得於喪亂。則有驂騑思故第。鸚鵡失佳人。又鯨鯢入海涸。魑魅棘林高。得於道宮。則有碁聲花院閉。幡影石幢幽。得於夏景。則有地涼清鶴夢。林靜肅僧儀。得於佛寺。則有松日明金像。苔龕響木魚。又解吟僧亦俗。愛

舞鶴終果得於郊園。則有遠陂春早添。猶有水禽飛上
句。綠樹連村暗。黃花入夢稀。得於樂府。則有晚牀留拜
月。春曉更生香。得於寂寥。則有孤螢出荒池。落葉穿破
屋。得於愜適。則有客來當意恺。花發遇歌成。雖度幾不
濱於淺濶。亦未廢作者之譏訶也。又七言云。逃難人多
分隙地。放生鹿大出寒林。又得劍如添健僕。亡書又
似憶良朋。又孤嶼池痕春漲滿。小欄花韻午晴初。又五
更惆悵迴孤枕。猶自殘燈照落花。上句故園春歸未有
涯。小欄高檻別人家。又殷勤元日日。敬午又明年。上句
甲子今重數。生涯只自憐。皆不拘於一槩也。蓋絕句之
作。本於詰極。此外千變萬狀。不知所以神而自神也。豈

容易哉。今足下之詩。時輩固有難色。儻復以全美為工。
即知味外之旨美。勉旃。某再拜。

題柳柳州集後

金之精麗。効其聲皆可辨也。豈清於磬而渾於鐘哉。然
則作者為文為詩。格亦可見。豈當善於此而不善於彼。
耶。思觀文人之為詩。人之為文。始皆繫其所尚。既專
則搜研愈至。故能炫其工於不朽。亦猶力巨而闕者所
持之器各異。而皆能濟勝。以為勅敵也。愚常覽韓吏部
歌詩數百首。其驅駕氣勢。若掀雷扶電。擋扶於天地之
間。物狀竒怪。不得不鼓舞而徇其呼吸也。其次皇甫祠
部文集所作。亦為道逸。非無意於淵密。蓋或未遑耳。今

於華下方得柳詩味其深搜之致亦深遠矣俾其窮而
克壽玩精極思則固非堞之者輕可擬議其優劣又嘗
觀子美祭太尉房公文李太白佛寺碑贊宏拔清厲
乃其詞詩也張曲江五言沉鬱亦其文筆也豈相傷哉噫
後之學者褊淺片詞隻句未能自辨已側目相詆訾矣
痛哉因題柳集之末庶裨後之詮評者無或偏說以蓋
其全工

休亭

休休也美也既休而其美在焉司空氏頑貽谿休亭
本濯纓也濯纓為陝軍所焚愚竄避踰紀天復癸亥歲
滿總人安既歸葺於壞垣之中構不盈丈然處更其名

者非以為奇蓋謂其材一宜休也揣其分二宜休也且
老而賸三宜休也而又少而墮長而率老而迂是三者
皆非救時之用又宜休也尚慮多雖不能自信既而盡
遇二僧其名皆上方刻石也其一日闍闍謂吾曰常為
汝之師也昔矯於道銳而不固為利慾之所拘幸悟而
悔將復從我於是豁耳且汝雖退亦嘗為匪人之所嫉
宜以耐辱自警庶保其終始與靖節醉吟第其品級於
千載之下復何求哉因為耐辱居士歌題於亭之東地
楹自開成丁巳歲七月拒今以是歲是月作是歌亦樂
天作傳之年六十七休休乎且又歿而可以自任者
不增愧負於家國矣復何求哉天祐癸亥秋七月記

咄諾休心莫之伎倆雖多性靈惡賴是長教閑處着休
休莫人上局碁一爐藥天意時情可料度白日偏催快
活人黃金難買堪騎鶴若曰爾何能荅言耐辱摸

山居記中條

中條踰蒲津東顧拒虞鄉纔百里亦猶人之秀發必見
於眉宇之間故五峯頽然為其冠珥是谿蔚然涵其濃
英之氣左右函洛乃滌煩濟賞之境會昌中詔毀佛宮
因為我有谷之名本以王宮廢壘在其側今司空氏易
之為禎陵谿亦曰禎昭云愚以家世儲善之祐集于厥
躬乃像刺大悲跋新構於西北隅其亭曰證證因之
右其亭曰擬論志其所著也擬論之左其亭曰修史勗

其所職也西南之亭曰濯纓之窓旦鳴皆有所警
堂曰三詔之堂室曰九籥之室編其壁以摸玉川於其
間備列國朝至行清節文學英特之士庶存聳激耳具
上方之亭曰覽昭懸瀑之亭曰瑩心皆歸於釋氏以拙
其徒愚雖不佞猶幸處於鄉里不侵不悔處於山林物
無天伐亦足少疵子孫且詎知他日復覩眸容訪陳跡
者非今茲誓願之證哉久於斯石庶幾不昧有唐光啓
三年丁未歲記

注恣征賦後述

武宣之間籍顯地者雖無如梁韓數公以雅實自任而
能振拔後進然士大夫宴遊之倦猶或時道文學以欣

助執事者而盧君尚以譏擯致憤於累千百言亦猶虎
之餌毒蛟之飲鏃其作也雖震丘林鼓溟漲不能快其
咆哮之氣且科爵之設是多得於彼而少喪於此後其虜而
歎其實彼或充然自意而又以拱默相持曾不知謂設
於晷刻之間蠅翔而螿腐耳然則著明幸於弃默而能
以愍征爭勃千載之下吾知後之作者有歐血不能逆
之者矣其所得何如於彼哉且上自聖智下至豪特之
士得於文學者多矣豈一靈運之狂而可沮辱天下之
奇偉哉况而牆而悖繆者何翅於此耶愚前所述雖已恣
道其道壯悽艷矣而終不能研其才外之致是以擲筆
狂叫寄之他生又嘗著擢英引以雪詞人之憤其旨亦

屬於盧君且凡稟精英之氣是或有智謀超出羣輩一
旦憤抑肆其筆舌亦猶武人逞怒於鋒刃也俾其無所
控告驅於讎敵必貽家國之患矣然則據權而蔽善者
得_不常以此危慮哉

題東漢傳後

儒衣而武弁者人望而畏之是威其德也必有操戈待
之者矣君子救時雖切必相時度力以致其用不可則
靜而鎮之以道訓服苟厲鋒氣果於擊搏道不能化力
不能制是將濟時重因故无禮之徒終致鈞黨之禍至
於張儉又不能引決區々之身雖殘壞天下何裨於吾道
哉陳太丘之容衆郭有道之誘人其意未嘗沮物彼亦

不厚其毒利害可見矣且鷲獸不革其暴麟不足為仁也惡鳥不息其鳴鳳不足以為瑞也况彼二三子甘逞於權豪歟以至於大亂哉唯據正而能屈己者庶可與權

貽王進士書

辱示制表述甚非所且敢不以所說陳於左右玆楚宋交怨而使在其間宋人有得玉於境者遇楚使適至誇示之楚人謀沮其玉請先譽于宋國既獻宋果怒曰玉產於吾土而價張於吾讎是欺我也不果售今吾守道固窮且竊文學之譽是邪競沽虛者之讎嫉也吾子之才固奇矣乃以所贖寘於吾懷是王者未適於市而噪者已盈於門矣必曰不投知於司空氏必曰不受知於司空氏則雖吾子之奇必足速得志於時矣舍是無他術也所貶益腴不敢發押幸詳其意勿冒時之所忌

太原王公同州修堰記

洛自西北趣大河蓋同源於積石伏而乃離發而復合耳故其水皆渾而悍暴難制然左輔土田賴之為膏壤堰雖勞不可廢也而又振泥加厚水勢益仰去故治之治之勤日倍也太中末州南堰壞久不能復比歲旱蝗關畿尤困咸通五年太原王公自中書舍人出牧是邦思所以利人者士易於此乃省公用節私費儼徒賦役躬親率勵得健吏于珏授以成規亦既集事而中作兩

甚川壑會流雷風蹴南而鼓之益肆狂啗雖有力者堅
百仞之阜亘為其防亦不能禦勢明矣必俟志誠克敷
旁資感効耳公晨往河壩跪陳宇醴既以陰雲潰穴功
倍人悅翌日堰乃成水折而東皆若導而後今邑里交
賀合樂以迓之流聞京師中外以為國慶時國家兵役
屢興漕輓已絕故自淮汴至于可漙之交百教皆刻人
無所仰視之者雖已鼎食亦若銜餒而返農飢卒急何
以振其威力哉閩中不涸之輒必本是堰公果成之以
明大計雖旋亦決敗而功緒足道後人矣七年秋愚自
滿獲展贄見之禮出次近坵備得其事因著于篇以彰
勤濟之志云

與惠生書

足下其贖於天地之間三十三年矣及覽古之賢豪事
跡慙企不暇則又環顧塵蔭自知不足為天下之贖也
噫豈非才不足而強者耶雖然大夫志業引之猶恐自
弱誠不敢以此為憚故便文之外往探治亂之本俟
知我者縱其狂愚以成萬一之効壯心未決俛仰人羣
今遇先俾僕得以盡論願修本討源然後次第及於濟
時之機也唐虞之風三代非不弊也賴聖人先其極而
變之不滯耳秦漢而下時風益澆視之而不知其弊矯
之而不知其文質文莫辦法制失中侮儒必止泥儒必
削則士大夫雖有自負雅道者既不足以鎮之而又激

時之之怨耳漢魏之際其弊蓋極懲馬融胡廣之流
易故李膺贄而峻誠何晏桓範之俗則王衍簡而清矯
之而不和滯之而不顧始以類聚相扇終以浮黨見嫉
以至於家國皆瘁不寤也悲夫故愚以為今欲應時之
病即莫若尚通不必叛道而攻利也隘則驅之以讎
已樹政之基莫若尚法不必任察而嗜刑也弛則怠
之以陷人舍此二者伊周不能為當今之治苟在位者
有問於愚必先存質以寃實鎮浮而勸用使天下知有
所竟而不自窘以罪時焉噫有必不能辨之於者言有
之矣未有無其心無其言可以垂名於不朽者且一家
之治我是而未必皆行也一國之政我公而未必皆行
也就其間量可為而為之當有以及於物不可為而不
忘亦足以信其心必曰俟時而後濟其仁蓋無心之論
夫百人並迫於水大可皆救之斯幸矣不可皆拯則將
竭力救其一二即將高拱以視之也幸先生以質于時
賢審其有心然後編次第之說



國家圖書館, NATIONAL CENTRAL LIBRARY, TAIWAN, R.O.C.

Handwritten text in Chinese characters, likely bleed-through from the reverse side of the page. The characters are difficult to decipher but appear to include '國立中央圖書館' and 'R.O.C.'.

司空表聖文集卷第三
雜著

一鳴集

疑經

疑經後述

復陳君後書

與極浦書

月下留丹竈

與臺丞書

書屏記

疑經

經曰天王使來求金又曰求車豈天王之使有私求於

魯耶不然傳聞之誤耳若諸侯之使來求金則謂之求
可矣若致天子之命徵於諸侯其可謂亦耶且率土之
人與其貨殖皆一人之所有父之財守於其子則用否
莫不恭命其可謂求乎春秋之旨尊君卑臣豈聖人為
魯不為周耶書云天王狩于河陽尚為晉侯諱召天子
豈不為周諱其過也縱天王制用失節多取於諸侯如
欲垂誠即書於周史可矣若書於諸侯之史是悔愆其
貨而悔王命也王祭亦不供矣必非聖人之文也必曰
王人責其稽命則曷不書曰天王使其責貢金倘以取
金為不文曷不曰天王使其來徵貢金亦譏在其中矣以
是愚疑仲尼書天王使來句絕求金是使乎私自求而

懲之也不然求與責文或相近傳寫文誤焉不爾何子
夏之徒不能措一言舍是而譏訶皆小小者爾

疑經後述

愚為詩為文一也所務得諸已而已未嘗撫拾前賢之
謬誤然為儒証道又不可皆無也常得柳子厚封建論
以為三王樹置蓋勢使之然又有是長引之辯意其多
於救時今夏縣卻自淮陽絨所著新文而至愚推以孫
文不尚辭待之頗易及見其卜年論又聳然加敬金鍾
陵秀士陳用拙出其宗人嶽所作春秋折衷論數十篇
瞻博精緻足以下視兩漢迂儒矣因激剛腸乃有詆經
之說亦疑經文誤耳蓋急於時病言或不得其中亦欲

鼓陳君之銳氣賞有以復於我耳時光化中興二年

復陳君後書

吾既以疑經為後述矣今年夏陳君果復致累百言且援穀梁之說欲以質吾、熟視其書率意而答之足下所復云、非不知也且夫謂之求則固當偕受其譏矣雖然舅姑之疾且斂苟力不能制其悍婦則必羸其聲求哀於一斂豈忍諄之乎吾本朝之臣耳豈敢誨其苞茅不貢之漸耶子載之下必有知言者不多譚

與極浦書

戴容州云詩家之景如藍山日暖良王生煙可望而不
可置於眉睫之前也象外之象景外之景豈容易可譚

哉然題紀之作目擊可圖體勢自別不可廢也愚近有
虞卿縣樓及拍梯二篇誠非平生所得者然宮路好禽
聲軒車駐晚程即虞卿入境可見也文南樓山色秀北
路邑偏清假令作者復生亦當以着題見許其拍梯之
作大抵亦然浦公試為我一過縣城少留寺閣足知其
不怍也豈徒雪月之間哉佇歸山後看花浦眼淚迴首
漢公卿人意共春風上二句揚庶子哀多如更聞下至
於塞廣雪無窮之句可得而評也鄭雜事不罪章指亦
望呈達知非子狂筆

月下留丹竈

詩題五字乃直真仙之詞也邵陽某縣句絕人或聞其

山實異齋禱積稔果有蹈空而至者涉筆附搢久之乃
罷去既而熟視木文字皆隱起成列矣某年中廉帥
上聞且命鑿其逸跡藏於郡解其後為刺史李岫所得
今傳於孫君豈精契之所感致耶光啓三年秋八月既
望愚獲觀於王官別業噫跡雖顯竒道必體正故為物
怪之所中者見之莫不洗然蓋其事目擊可數也吾知
挾邪佞以冒進者亦當膽慄自廢豈俟圖鼎然犀而後
辨妍媸之詭態哉綴之全篇以志誠敬且期自警於云
泗水司空氏記

月下留丹竈壇邊樹羽衣異香人不覺殘夜鶴分飛朝
會初元盛蓬瀛旧侶稀瑤函真跡在妖魅敢揚威

與臺丞書

中丞閣下其昔者常從其友於都邑之鄙其鄰叟有善
藝卉木者或從之鬻鬻于都下未嘗不亟售而其人謂之
曰里市所貨皆資生之所闢尚有提之汲之而不克售
者今叟晨往暮歸未嘗少滯其所鬻何哉叟曰鬻推之
道雖本於天時亦且診於人情耳蓋視其人夸其居後
則所翫者必欲朝炫其葩夕味其實矣彼或以勁正自
處所植必慕賢良吾皆孺之各術其所欲焉有膠滯之
患哉今閣下前為小宗伯實振惟公之舉庶不孤吾道
矣况憲府僚屬繫本朝之輕重是尤宜於慎擇也會昌
中杜牧之為補闕陪賀客於孔氏之門獨欵板而前言

御丞史風威在取人之得失乃薦邪群焉今有邪貴者
乃群之猶子雅志貞獨且以名節自任其所任其所為
亦足觀其所志愚以是輒有里叟之說蓋待吾憲丞不
薄矣且自古推心苟不望報於其人則未有不堅於着
効者愚所任不私而已苟謂言者之輕而舍諸亦非敢
以為耻又有王駕者勲休之後於詩頗工於道頗固但
其所知方在顯清之地不敢越境以輸其珍耳所與論
詩一首亦輒緘獻其他當俟閣下操人柄救時艱而後
敢以志英豪之事業者達於執事庶不驅之讎敵也再
拜

書屏記

人之格狀或峻其心必勁心之勁則視其筆跡亦足見
其人矣歷代八書品者八十一人賢傑多在其間不可
誣也國初歐陽之後繼有名公元和長慶間先大夫初
以詩師友兵部盧公載後事商於因題記唱和乃以書受
知於裴公休辟倅鍾陵乃徵拜侍御史退居中條時李
忻州戎亦以草隸著稱為計吏在藩因輟所寶徐公浩
真跡一屏以為貺壽凡四十二幅八体皆備所題多文
選五言朔風動秋草邊馬有歸心十數字或草或隸尤
為精絕或綴小簡於其下記云怒猊抉石渴驥奔泉可
以下視碧落美先公清卓披翫殆廢寢食常屬戒云正
長詩英更郭筆力逸氣相資奇功無述儒家之寶莫踰此

屏也但二者皆美神物窺愛必當奪璧于中流飛鏃於烈火也殆非子孫之所可存耳庚子歲遇亂自虞邑居負之置於三城別業丙辰春正月陝軍復入則前後所藏及佛道圖記共七千四百卷與是屏皆為灰燼痛哉今旅寓華下於進士姚顛所居獲覽書品及徐公詩論因感憤追述貽信後學真旦冀精於賞鑒者必將繼有詮次光化三年八月三日泗水司空圖銜涕撰錄謹記

司空表聖文集卷第三

司空表聖文集卷第四
雜著

一鳴集

送草書僧歸越

絕麟集述

荅孫少書

段章傳

華夷圖

烈婦傳

說魚

送草書僧歸越

儉荒之俗尤惡去伎於文墨者華民流寓而至則遽發



其索焚弄札牘之類以快既自容矣又離沮繼至者若不勝其怨噫是華舌夷心而又甚之者矣洎天下將亂則雖吾里其風亦變果儉音淨荒之流民亦多矣倘或未化亦其益孤不能自振苟聞志於吾伎則必躍而游之矧踵門而勸請者耶聖光僧生於東越雖幼落於佛而學無不至故逸跡道勁之外亦恣為詩詩以導江湖沉鬱之氣是佛首而儒其業者也雖孟荀復生豈拒之哉今繫名內殿且為歸榮足以光於遠矣永嘉西岑康樂勝遊之最是行也為我以論詩一篇題於絕壁

絕麟集述

駕在石門年秋八月愚自閩歲竄浙上所著謂詩累年首題於屋壁且入前集壬戌春復自擅山至此日敗店作火土二曜叶力攻凌可知矣冒沒已多幸無火愧固非費恨而有作也尚慮道魁釋酋見之慊然於我者蓋此集雜言實病於負氣亦猶小星將墜則芒焰驟作且有聲曳其後而可駭者撐霆裂月挾之而共肆其憤固不能自戢耳今之云云况恃白首無復顧藉然後之賢英能嚙出肺肝以示千載亦當不免斯累豈遽咄之耶知非子述

答孫郃書

孫君足下所賦累幅皆厚責於我是足下勤於吾道必欲起而振之也何以克當雖然始於退者皆曰吾之必

誠也今愚獨以為不誠自訟亦誠在其中矣幸足下詳其昔古之山林者必能簡於情累而後可以今吾少也全然不能自勝於胷中及不誠於退者然亦窮而不搖辱而不進者蓋審已熟雖進亦不足救時耳彼一飯之罄或請濟於具鄰雖童子不可以空器給之也矧當艱否之運吾君吾相方以爵秩來天下之賢材將與之共拯其可沽虛而自集耶且自古賢達用舍之際當俟至公物情而後天意可見雖宰執大臣之推心亦不能察天下拒我之意也况足下一布衣其可獨私於我哉書曰龜從著從則人亦不違天矣足下所示勤如此而數舍之間果致失墜是非有物亦欲沮之耶始吾自視

固缺薄今又益疑其不可妄進且持危之術制變之機非鯁懦之所克辦也愚雖不佞亦為士大夫獨任其耻者以笑其可老而冒之耶韓吏部激李桂州之必行責楊道州無勇雖致二賢適自困亦何救於大患哉其所為者或奮而不彼匹夫匹婦亦可為之孟子所謂非不能也足下粹於道義耳其間亦有未盡於僕者勿多譚再拜

段章傳

段章者不知何許人咸通十年吾中第在京章以自儆為取者亦無異於他儻也夏歸蒲久之力不足以贖給乃謝去廣明庚子歲冬十二月寇犯京愚寓居崇義里

九日自里豪揚瓊所轉匿常平廩下將出羣盜繼至有
擁戈拒門者熟視良久乃就持吾手曰某段章也係虜
而來未能自脫然顧懷優養之仁今乃相遇天也某所
主張將軍喜下士且幸偕往通他不且仆藉於濟輒中
矣愚竝以不辱章惴然泣下導至通衢即別去愚因此
得自開遠門宵遁至咸陽橋復榜者韓鈞濟之乃抵鄆
縣

贊曰時方治平士君子足以相濟而禍亂之作必廝後
者乃能脫事患古人所以安不易危耳且章之服役吾
待以常備耳及濱於死竟賴其義而獲免吾知他日吾
屬報其所奉果致不愧於爾曹耶乃志于篇期以自警

云云

華夷圖

辯於微而能制之者勝也審乎要而能備之者險也勢
所以決用奇之智險所以濟經久之謀雖英豪復生亦
六以易此論也愚中外家世究天人之際而不肖者更
文文自喜不能屈己以救時他日雖苟行亦不可追已
失之機矣苟危極而變當寄之後生者耳煨燼所殘尚
存賈僕射旄方域之志披圖校驗成敗可知以是總上
未能默已千載之下必有知吾言不昧者司空氏察鶴
亭記

烈婦傳

河南竇氏朝邑令畢集之妻也四年秋同民叛其帥李
塘之走蒲令挈其孥竄望仙里既夕盜倖乃仇家也猝
令壞其首志必死之令妻蔽捍泣且拜盜急乃持其袂
重傷猶不置令竊視竟得逃匿而免里人列狀於府賚
之酒帛醫亦馳乘而至幾死者數矣逮踰月方克偕全
愚寓居濱渭得備聞於里中梁生生言操史牘者苟遇和
平日紀王庭琛瑞之美誠幸矣然傑異之操化導宗族
里閭俾男必為貞夫女必為烈婦是有國有家者皆賴
之豈徒炫於視聽哉愚以為知言者乃著其事也

贊曰蓄千金之貲雖止憂患尚有不安其室者况蹈危
觸難何以相保哉且婦人女子扣盂足以駭之而白刃
之下獨不顧以免其夫是果能一於所從而无悔者也
豈化漸之有自耶吾知為臣為妾者必繼有其人免貽
氏之愧矣

說魚

蒲之東七十里山秀而瘠故其水迅激不能蓄鬻介之
族著於方志馬王城谷司空氏曰禎貽溪其巖瀑尤為
峭東愚常泐貯於庭欲資涵泳之翫或致於他所亦不
更夕輒暴去前年捧詔西上復移疾華下則鄰之佛者
遽至言石竇泉隙魚皆充牣愚熟念竟不能究其說而
佛者謂吾久於晉溪雖才畜而命施然撫其愛育之心
足以達其物類蓋斯魚之產是欲信吾心於方將耳而

愚尚以為愧也且為羈涉歲而後魚集於故山之泉彼
能達吾之心宅幽而遠害是有物致之且惑愚之妄進
姑欲全吾道而保退安耳敢不自警也哉

司空表聖文集卷第四

司空表聖文集卷第五

一鳴集

文中子碑

盧公神道碑

王公河中生祠碑

文中子碑

道制治之大器也。儒守其器者耳。故聖哲之生，受任於天，不可斷之，以就其時。仲尼不用於戰國，致其道於孟荀，而傳焉。得於漢成，四百年之祚。五胡繼亂，極於周齊。天其或者生文中子，以致聖人之用，得衆賢而廓之以俟我唐。亦天命也。故房、衛、數、公，皆為其徒。恢文武之道，以濟貞。

觀治平之盛令三百年矣宜其碑聖恢之柄授必有施
巨教之積濟亦厥時子惟善守賦而不私免輔於我實
為貞休之期

唐故太子太師致仕盧公神道碑渥

公諱某字子章范陽人盧氏出於齊魯之始祖以姬周
克享於仁乃佐文武定天下施刑之後其裔孫又能以
大義匡奉且救諸侯之患宜其百代滋盛矣及拓按陷
幽冀之域士人之整飾官姻不失其舊者推於州黨所
為甲門高齊恩道公為黃門遠公八世誼曾孫某官祖
某官皆以德義顯本朝先公諱某兼以儒術吏治歷仕
終某州刺史娶清河夫人生公公植德秉仁而識致遠

大濟之強學發為文章故未就鄉學舉則時輩後生皆
以為傑出雖文場朽滯然時者亦歷指要顯不敢徒以
負地待之會府方重首薦公為至試者所強舉子未効
其業於主司則踵門投贖者已數百輩時宣宗銳意文
治白衣稍出流類亦往：上門故公中選甲科藉則待
制名臣亦以得人為賀皆為儒風隆替當繫于公累辟
諸侯府亦以公去就為輕重御史丞將選僚屬遽相告
約總及并班之限臺命已行太夫人在洛乞以散秩就
養拜國子博士分務殆十年公議所迫遷侍御史專領
東臺之務徵起居轉司封員外知雜事正色謹言舉刻
不撓遷司勳郎中時宰所忌出倅宣武軍以緩之未更

歲再入為某曹郎選拜万年令大京兆每引見必優禮
言則規稟諸曹請事若奉嚴師其政可知也詰命極選
所以內訓百辟外訓四方元和中若韓李二文公裴晉
公令狐相國元白李淮南聯處內外制之任征伐約束
仗助大朝其後取人多以恃望之勝則人以地優用輕
則才以勢軋兼而不怍乃屬於公拜某官知制誥每涉
筆委簾則同列聳貽宰相詳議大政亦俟入直乃行前
後六年編錄盈筭實一時之典則也丁內憂哀毀逾禮
士大夫莫不感傷免喪拜陝統觀察使兼御史中丞前
蒞是邦或出禁旅炬畏由臣護軍劉重美黨類豪侈傲
視廉使橐奸贖貨得以自專及公至鎮待之有節重美

雖漸斂束故態未鋤公舉其壞政之甚者面數以挫其
鋒氣卒俛首受教確不外奪人自蘇息矣遇江嶺宿兵
違戍之食涪州軍奮臂標迴開折天旅及驟至墻下吏
士慄縮皆請閉閤拒守公曰彼凍餒所迫未聞肆毒五
因而撫之莫其匹善若首唱其惡彼畏彰聞則懷疑蜂
潰矣廷議力未能制且當遏其所歸奈何及開門具餼
勞召主將親諭之果遽感悅而東逮出境人無罹其患
噫古所謂仁勇難哉其他惠愛廉平猶可徵諸故老初
公報政當陟且懸文柄之命權倖所沮事未克行及此
傳聞中外推敬故宰執得申其所志冬十月拜禮部侍郎
郎群輩之噪聚勢門欲以浮論籠駕主司者迎自咎其

牙角湏入貢暑終引明經則美稱已諱於外遇大駕南
幸乃中輟人至今惜之明年春自都潛出二月至中條
舍於幕吏司空圖被疾決旬方至洛由漢陰詣蜀舟行
迂滯尚以後至授國子祭酒公論逾鬱拜御史丞兼左
丞東掖端良風威益振駕迴未幾又徙步扈從於寶雞
至褒中岐蜀阻兵食俱困主相深念計無所施乃拜公
戶部尚書領興元留事知節度使事焚剽之後百姓逃
竄公躬自招撫且徵賦食山田相勉貢輸軍聲大振時
議以為蕭何大勳實非公不濟上每歛容優異許以入
輔者數矣公堅讓乞退至京尚以檢校司空太常卿曠
庸遷尚書右僕射自古澄汰稍厲多礙於時苟訾失實

則受制群黨驅之讐敵友為國病矣公謂軌律在已足
以正人未嘗惑愛憎之言遽出升黜而尤者自去明恕
亦彰又古所謂得大臣之体者乎仁哉累授保傅尋以
檢校司徒致仕從聖請也大駕移幸公自華至洛天祐
二年九月十日寢疾薨于長壽佛宇享年八十六嗣王
輟朝贈某官謚曰某噫古之碩賢或享高位上壽蓋尸
其柄者時顯至公以警于昭幽俾為善者不悔耳公孝
於家勤於國宜於人既如是而報應又如此果使後之
追企者唯恐不逮以邀福於神明然則善人之化於人
雖沒世而彌彰矣且家邦將盛必有所繫蓋感致之效
當究其源耳初公既屬文太夫人知其友愛諸弟且命

相敦誘故諸弟子亦能師稟就其所業及公中第郎又
致、指導進取果歲繼捷皆籍于顯地祿養之榮孝敬
之美一時罕及也推是而言則詩所謂施于兄弟至于
邦家公宜與聖人之徒亘百代而合契美哉公介弟尚
書公紹尤檢尅亦能率其子弟俾勿無違者仲弟治考
功郎中季弟沉右補闕從事洛都留守府蓋雅族積祐
有以保持公以其年十月某日附葬于緱氏某鄉某里
禮也夫人姑臧郡君李氏柔順明淑叶公慈卹内外孤
嫠賴之獲濟先公而終孤刑部侍郎膺實惟家嗣敏材
慎行而置競不能入第膺左補闕登、唯謹目為令人
有以見綿祚無窮也自昔揭大名擁大望苟無其實必

若負重而趨雖非有力者擠之亦當自蹶矣宣懿之際
士類方競其間與公別著親友之分者前、當世止有
數賢皆退可革天下之澆風進可荷天下之大任歿則
金石之綴史氏之筆端豈容易而品級哉千載之下必
得其人蓋知始無愧耳今年秋八月愚詔追洛拜公牀
下明日繼謁蒙手授以詩且有釋氏多言宿分深之句
瞪視不言若屬意于紀述默至感悟誓竭菲才况業復
謨庸三紀備熟雖有文酋之二亦莫能詳悉然則刊爾
信實門人焉得為讓銘曰

姜佐宗姬仁移於詛馳及厥裔亦恢四履紉絕扶微益
延世祀戰國橫潰獨整士風漢氏之東植顯大忠黃門

魁偉州黨所宗逮我太師教義足維出入允宜萬方廷
萃珍貺疊委待公為瑞秉文慎擇列曹驟歷乃訓百辟
國事洞疑玉旅阻飢惟公是咨冠裳奕々禮儀是則公
庸乃陟或點道之身塞孰喜孰戚華崇之趾吾老于此
壽祉皆極報德照彼日星摩地載局鑱石張銘濟我淑
貞助爾後生

太尉瑯琊王公河中生祠碑

臣伏念天人之慶靜則統和於天化動則保定於中興
莫不肇擁元符已濟昭登之德旁微幽契亦申叶佐之
能內著彌綸外宣風績克延休命共贊昌期雖復地輔
登皇星樞誕聖八極杜漸麓之表百靈趨駕象之塵信

謂元方猶勤致又至若錫戈祚上賜履專征止圖九合
之威亦賴五臣之佐苟虞官霸莫克任賢况頃者運屬
履危時當戡難寓縣尚搖於坎比覬鼓方駭於沸騰欲
拯橫流是資傑出漢廷劔履名臣之禮秩皆優煙閣丹
青上將之風稜如在我國家之御曆也厚恢周德寬富
殷人蕩千古而獨駕雄圖吞八荒而同開壽域宏材構
厦當扶不拔之基擴俗傾風盡仰昇平之化皇帝明融
睿作剛體乾行深研不測之機廣被無私之照常經多
難時亦濯征掃氛沁於靈旗碎餅鬻於天斧文思緯俗
廓貞觀之英圖神武定基符開元之大略克諧注意本
在知臣叶風力以神謨駕昆彭而騁績克綏中外保奉

宗祧大順三年月日首議陟明累宣恩詔以命河中節
度使王重盈加檢校太傅兼中書令河滄蕃寶閣閣資
祥代濟賢豪業傳詩禮自標奇瑋難藏豹蔚之資本侯
遭逢果振瑤璫之舉式膺妙簡允著宏規不有褒崇孰
明獎勸且自古英達致用風範相殊政則以理為先化
則以人為本雖或議參草昧名列循良集東觀之羣儒
皆令贊像推南山之汗簡盡使書勲尚有間然孰當全
美道之必合聖亦罕言大易所謂窮神不行而速哲人
所以垂訓不令而從蓋率以身先用如響響應公幼推至
性動必有方色養不違友于兼備在閨庭而推謹處鄉
里而無尤衛公靖勿實師儒寧妨勇烈英公勣貴能事

長果保忠良是乃化已行於人子也且移孝資忠自家
移國信風行而草偃若傳命於置郵故亂離已前委寄
即重効彰理劇誠著讓夷課實最於西河榮遂臨於分
陝車未及境寇已陷城僵仆如兵煙埃翳日公乃唱大
順攘義聲招輯逋逃撫循瘡痛誅榛梗漸闢樂郊撲
魅驅狸潛消沴氣檄馳東夏糧振西師四海搖心盡攝
鯨吞之勢重閉天險獨當逐突之衝壯我金湯剖其牙
角實挫陷天之暴非徒捍境之勤大寇既逃鄰封共慶
遷未罷任本切歸寧堅避成功益彰傑操是乃化已行
於人臣也且卹刑育物徃哲至論於兵法之中亦叶道
家之理雖戰同九地或於危地爭先術用入門乃以生

門為上勿輕士重方保衆心盛衰之由寬猛可驗雄名
震敵忌唯在於殺降陰德傳家慶本延於慎獄公明唯
照意在勝殘深防巧詆之文每用惟疑之典或有狂妄
自掛網羅罪皆止於一身恩必加於百口神明洞感福
祐宜鍾是乃化已行於宰守也大約已裕人招懷必信
推誠體國嫌譽自平公實電弘且無猜沮每示坦夷之
道不行諛佞之言延納羈孤優容僚吏位雖益重謙則
惟光泛愛皆周

見賓延備禮耆英盡綴於詞林
將略求材劍戟自森於武庫况路當衝要時搞師徒使
車旁午於軍中將迎盜至羽檄交馳於境上談笑忘疲
志切匡扶義唯尊戴每承詔命若觀天顏亦常因拜飛

章大集式旅誓堅金石同報寵光保九重高枕之無憂
絕五夜甘泉之有警內則頷宣朝旨外則鎮撫人心竟
用綏和到於繫賴是乃化已行於藩閭也且將圖豐逸
必正本源侈與驕期莫能勝弊儉惟德固乃可移風苟
曰聚人必先濟物公幼負四方之志家無一擲之資意
氣所傾英豪共感今則欲均公用不樹私恩動有常規
賞無濫費上勤時貢下贍軍須月未及於授衣士已欣
於挾纊農商競勸役不奪時閔市薄征肆無滯貨利每
推於近監惠豈計于傷 靡尚虛名多仍舊制雖風亭
月觀不增遊翫之華而城雉軍營足壯藩方之氣均能
勸勇儉足養廉誠滿持全希豐處約是乃化已行於閭

里也率是五者施于一方薰為和氣屢致嘉祥故得疵
癘不生豐登相繼自竄渡河之獸如驅避境之蝗禮讓
俱興人無恥格狂徭漸省俗賴惟康貨殖殷繁井閭填
咽街無促步巷有安歌壯千乘之威稜冠三河之富盛
閔防且啓雖候鳴雞徒侶宵行罕聞吠犬此蓋罔存小
察唯總大綱用弘寬簡之規克贊雍熙之運景福九年
正月上自將佐下逮緇黃五郡聯屬四封耆艾共忻弘
庇請建主祠宰釀累陳至誠難沮王月日都押衙錄事
叅軍又詣護軍使特進思猷請奏別立碑紀上亦俯從
人願有命微臣伏以祀典闕文朝恩特允雖或徵於近
史亦宜本於衆情丞相仁傑之撫痍羸僕射元振之安

夷夏皆留盛躅孰繼美談豈不若峻峙在前人皆仰望
洪流非遠日可窺臨所以別創祠堂嚴陳象設者蓋皆
蒙美利並荷豐功願申報德之誠別置標度之所且公
抗衡右族著籍本州顯沂水之華宗煥晉陽之貴胄盤
聯日下輝映關東前修則家謀流芳後嗣則鄉材森列
公先君勲華早振政績頻彰已結義於鄉閭仍種思於
部伍永言積慶實異他門况元昆頃鎮河潼遠推表則
仲弟鎮臨此地惠愛斯人季弟植性謙冲宣勞宿衛次
子今陝州相國能傳善教大濟仁聲長子璿故蒞平陽
季子瑤今為慈牧並遵誥誡皆稟廉明諸子等庭列鍾
彝笥傳組綬靡忘承家之訓方滋視履之祥而公又領

蒲之初也深自竄伏過於推奉越人燠穴蓋虐求賢晉
國乞盟始聞之難既抗言而誓衆方攬涕以登車里巷
相懼風雲動色宸衷夙注寵詔遽臨致闔境之允洽固
本朝之是衛况家豐光烈治陟殊尤流寓安得不歸士
庶安得不感且自漢儀重整周室甫寧三籤則橫被隕
區九鼎則深盤王氣山河益壯日月猶新心膂連營當
雷霆於比落股肱重鎮寄柱石於東門允副分憂合膺
異渥宜其恢弘棟宇瞻奉威容上顯聖慈下諧人欲極
當時之盛美標曠古之殊榮美矣哉臣跡本寓居心非
昧利久懷贊激竊聽謳謠奉春獎於絲綸素慚鴻筆圖
嘉庸於簡冊先琢貞珉方備編修敢辭紀述銘云

貞符奉我誕命維唐跨轅三古穿龍萬方雲蒸日照寶
輦深航基仁德厚祚德逾昌數有此夷時嬰否隔海岳
搖蕩人祗憤激軒侯垂衣舜動舞戚皆安寵利宜恤社
稷殷憂持文典運有開涵濡動植揮斥雲雷地爰重正
天旋更恢疇庸乃睠共致康邦室昂傳銘雄圖作固儀
形九牧光昭百度威濟家声功寧固步蒲人熙、是禱
是祠翫歌且舞童頂尻眉何以祝之祝公之福險夷不
逾保是寵祿何以祝之祝公之壽左山右河惟公克守
何以祝之祝公讌喜公樂之人如酒斯旨何以祝之祝
公之安公安可久附衆惟寬公之報國人亦報公提嬰
撫稚必敬必忠人之報公神亦報之拂災御暴不流不

移通衢共仰華構崇之峩冠傑表煦物溫容蔚然喜氣
靡若和風樹之可愛蒲之所賴帝慈允屬天隆不味條
峯顏、城在碑在

司空表聖文集卷第五

司空表聖集卷第六

碑

王縱追述碑

華師許國公德政碑

解縣新城碑

故鹽州防禦使王縱追述碑

夫爽貫五行聚星芒而騰列靈標萬彙挺人傑以降祥
式贊鴻鈞乃符玄感恒運細緼之化潛融橐籥之和然
而拂日貞松必生於喬岳環天重器亦鑄於洪鑪水積
厚而蛻鵬門愈高而容駟克蕃令楮固在華宗况自緄
嶺上征姬邦委馭代為著姓人不乏賢或濟美於參墟
或炳靈於沂水祥分鐵印系總旋源西晉殊勲則榮達

邨第北朝雅望則地顯官婚賂謀各著於神家致用皆
光其佐命朱輪華冕豈獨推恩甲令門風實先種德是
資奕葉誰與提衡公諱縱字希聖太原祁人也曾祖某
譽合貴遊跡追高矩冥鴻不失天爵逾優祖勗皇任潭
州端氏縣令價重儒林行熟士範早推仁於宰字已屬
望於公台父載皇任檢校秘書少監贈少卿早振宏猷
雅多奇節自激封侯之志歆垂濟代之名位鬱於時慶
延其後宜鍾秀氣歷佐昌期公幼挺英姿夙彰傑操推
金入用百汰唯精建木標奇千尋自直稟悅札敷詩之
教蘊經文緯武之材歆紹家聲遂恭戎右研精玉帳演
祕金韜陰符必勝之機制於掌握敵國相吞之策決在
毫釐氣蓋三河聲高六郡長慶初以力戰拜兼監察御
史名藩振跡初加取貴之榮憲府揚威更帖詠華之秩
大和九年授河中馬步都知兵馬使別選村官教成騎
陣自茲出討所向無前開成中宰相鄭公肅允屬鎮臨
尤稱鑒略仰賢有素授任不疑擢奏馬步都虞候總中
權之劇務示列國之上卿喜動旌旗威生里巷得人之
盛他鎮罕儔會昌二年武宗以回統累葉憑驕緣邊扇
酷久事掃平之計尤難將領之權旣而蒲帥石公雄授
命濯征德戎出塞公為都知兵馬使捐家誓報蓄銳別
營虜陣猶堅軍鋒稍壯未振鼓行之勢空指廟筭之籌
公內決一奇中分千騎出徒間道擊若疾雷已繼捷書

方麾大旆豈俟排山之力乃成破竹之資火烈風驅震
天駭地血滂大漠則傾洞長河顛積高山則亘運絕塞
單于傾種貴主還都克宣宗社之靈頓雪人祇之憤腥
羶盡滌氛侵皆銷萬里長城允膺朝寄九重高枕永珍
國難批獠麟閣之雄孰為上將贊頌龍庭之績彼獨何
人上乃遣中貴人劉英侔賚詔慰勞自殿中侍御史超
拜兼御史中丞太尉李公久秉大權素無濫賞儻非公
論莫致驟遷又拜晉州司馬上黨與校復提王旅太原崇
亂兼領郡符授沁州刺史外訓驍旌內蘇疲瘵殊庸旣
顯善政亦開擢邢州刺史克本州團練使山東叛命積
年人為難理公揣情設教俗乃驟移禮讓旣行里閭相

勉旋當謝疾莫遂乞留驥路未伸崔羅無愠志詎忘於
憂魯言恐及於平吳久之拜右龍武軍將軍仍知事環
翼宸居僉諧宿德剋煩苛於積弊罷浮墮於竄名心膂
所資艱難自肅雖居中而持重每急病而讓夷宣宗皇
帝以河隴陷戎祖宗遺憤將謀恢復翹注忠賢又屬藍
州守臣政失人和臺連羗部雅重專城之選仍當錯節
之難公簡在宸裏對於便殿伏波強記備述山川克國
勇行請圖方略仍授藍州防禦便檢校常侍凋殘之後
輯睦惟艱虜交未固於解仇漢爵已頒於款塞兵農競
勸夷夏肅齊既而間便行邊飛章古狀上乃臨軒歎激
累詔褒揚獨授中規希其重任繕魯州之堅壘食力兼

儲資隴右之威聲壘擗漸闢和薰獲俗惠洽惇嫠已彰
托境之勤即議疏封之賞方延渥澤別蒞雄藩而運籌
時來福虧冥敷進中峯而岳裂齟齬右將以星沉色慘朝
端悼深宸極維荊州罷市衡紀屢遷而蜀郡奉祠訶謠
未息右之遺愛無以加焉咸通三年三月三日薨享年
六十八理命具存憂邊是切益勵鑿楹之誠如傳鏞鼎
之勳某月遷定於某處拊先塋禮也地啟佳城儀陳詔
葬舞鶴既占於形勢謀龜乃兆於公侯封樹增嚴音英
如在皆知世禮之必昌矣初大理府君娶于隴西李氏
追贈隴西郡太君簪組聯華蘋蘩頌美公實為嫡嗣娶
某郡石氏今封初國太夫人四德兼崇六姻推敬早貽

芳於閨範宜應禱於河靈保是鍾祥成其鼎貴五子長
曰重章少稱豪爽深究韜鈴從擊匈奴著勞盟府歷諸
衛將軍終威州刺史次曰重簡今任華州防禦使檢校
兵馬尚書朗拔逸羣惠和得報左馮致捷宏略居多次
曰重盈今任陝統觀察使檢校左僕射沉機中濟雅量
外夷撫寧西河鎮靜東道次曰重榮今任河中節度使
平章事明澄海鏡響震霜鍾体先覺以通奇應旁求而
聘績錙鍊王佐表映人宗自北府初援副車即持戎律
外師謀入危城勢遙四鄰閑境以相觀一往中夫而獨
立首排群議決策勤王賑贖諸都指揮突將破連營以
通西路質季弟而撫北軍同華既平關防盡闢繼納婦

盟之衆遽成克復之功羈制奸豪保安封守而又處勞
期逸推搦僦徒環築解城峻增閔壘舉無遺策動必中
機巨極底寧議勳殊等次日重益勇而知義和以東謙
履險不疑輸忠必竭以任子拜左千牛衛將軍初先公
之獨館也清塵未遠儉節彌彰產簿一壘家徒四壁太
夫人保和安遺演訓擇鄰俾蹈前修皆能聳構且及親
之責自古罕兼老萊則空耀絲衣多慙絃寃潘岳則唯
稱壽酒固之鼎彛豈同大國進封高堂拜慶列加二驥
蜀併八龍相邛師壇共觀畫錦金相玉映各炫晨葩猶
陳斷織之規寧軫倚門之念一女早適溫氏致克和於
鄉族亦稟教於母儀而又慈訓諸孫蔚為令器亦升寵

秩森列庭闈方傳帶礪之盟實冠古今之盛夫力攘大
患昱致陰功則必降祐于上玄紹熙來裔永夷豎敵累
洽仁風果培樹善之基益遵勝殘之報司徒相公以豐
功繼志異政傳芳褒崇致感于漏泉紀述款先于表道
謀刊懿烈辱命无詞合申起敬之誠敢避非才之請竊
以祥渾流裔文武爭驅家謀彘分灵根共貫至公崇上
宰績贊中興彼江右之蟬聯昔愍丕運我晉陽之龜組
今煥盛時綿祚層瀾盡雕豐砥

銘曰

維德有融維質克嗣礼法貽奉勳華命瑞雜躡芳塵紛
綸字氣武烈披呈儒風橫被績茂伍秦名高輔魏繼祖

无忝圖徵固隆

天臨我唐瑞降文昌驅嶮逆發架浪雄張虹攄耀米虞
震飛鏑英標激俗峻節凌霜研奇制變料敵推強量吞
巨壑威捫旁荒

申命宣臣允茲薄伐壯志逾勵况謀獨決日逐偷魂天
驕浴血魚窮竄鼎蟻惧搜穴輶輻下碎撻搶上決利盡
長驅聲稜有截

戎武惟揚戎罰用張俾侯寵錫謁帝休光和如金石著
在旂裳內司環衛外峻臣防通班石室進秩銀增臨机
必斷視物如傷

兩地緝綏五原惠愛禦侮才難開疆計大日駐麾戈雲
橫出塞白虜迎降青羗自潰寃守益嚴資儲永賴轉軸
摧旃揚於委旆

楨融積慶祚表垂仁綿休自遠啓映惟新茶々令嗣濟
：良臣名藩重寄暢敷文 門交華戟地鼓洪鈞推忠
致主履荐策親

潤接灵長勝資磅礴此兆弘阡昔圖煙閣漢詔勝褒夏
卿荐渥林蔚逾繁源深不涸刊尔將來緬懷可作克濟
寵珍永延懿鏢

華師許國公德政碑奉勅撰

臣常跪讀貞規政要伏觀

太宗文皇帝即位之初每以爲將致治平必先仁誼在

得賢而作又乃錫祚而永延治古足徵格言可鑒豈不以化剝則易服威肅則唯齊者哉然政教初張德刑具奉文衰則削將弊也其風必佻武瀆則危將亂也其政必暴始於厚俗方免濟和視今足以知昔矣聖唐照臨萬方韜軼三代固資天力實廓帝畜神靈蓄不測之威征朔被無垠之俗皇帝中興昌運丕显耿光洞德澤於六幽雲蒸其潤仰微明於八表日煥其文內輔外藩而允諧上祇下肅而迺勸太平之祚可固矣乾寧元年上因御便殿遂出鎮國監軍使董重彥所奏前後將吏軍人百姓僧道等懇請為其師置生祠紀德政表章俾揚陟狀宣允衆情宰臣亦僉謂近鎮大臣諒能推心及物

第因牢讓久蓋嘉庸宜徵墟實之詞用著不嚴之治翊日遂請詔吏部侍郎司空圖條次所上刊示無窮謹按華唐節使度太尉潁川郡王許昌人也汝潁標奇勳華襲煥偉登壇而挺佐壯柱國以連榮間氣迴鍾英材卓振鎮為岑鼎用作雄銛志不急於封侯誓惟堅於効節累陳秘策俄領偏師縈身而處出險中振跡而旋歸行在詳觀機變乃控河潼既申匡復之謀實顯兩清之效師徒自戢都邑晏然大駕旋迴宸衷乃睽撫綏益至疲瘵漸蘇初王之到理所也公署僅存人煙殆絕晝靜而狐狸傲視風蕩而雞犬歲聞王寢興匪寧更士相勉山祇應禱膏澤以時稍實倉箱漸知禮讓魏喻某月

自復流移見重沿路而不驚草木罹霜而亦潤閔畿無
阻旅次皆安汙萊盡闢薨宇兼倍其新附土衆亦競課
農桑凡資生聚莫不蕃息加墾公私田若于頃畜牧藝
植亦皆稱足但三縣兵荒之後雖賴招懷數都節制之
師必申威略匪招懷何以附衆匪威略何以安人動則
經戎靜則濟理飡和自化別為君子之營伏順無前亦
有諸侯之劍其始王之入于京室也高州程景思乘虛
掩襲歆恣攻凌公馳自青門戰于亦水其蔡軍臨陣剪
滅驅係而至者並解甲縱之明年秦宗權復遣賊將圍
逼陝郊魏州刺史張存背陝迎降旋又持疑搆陳遂密
表請狀部伍據閔捍敵曾未決旬遽聞失守蔡時張琢

席卷深入兵近五千王所統見軍不踰六百率先士卒
盡殲兇狂不崇朝而收復閔城自此藩方政觀矣又交
鋒之隘恤物猶勤遺積弃蠶皆令護養扶立羸孳幼免復
驚奔斯乃檢其富庶及天師北征招討使以繫仰請行
指揚務重瀝怨固讓拜章累陳竟慮上軫主憂久稽朝
旨臨危不憚赴救遠征及餉道阻艱物情沮撓猶嬰孤
寨常保萬全前後獨當八十五陣擒戮五六千衆并收
奪堡寨七所而我軍未嘗敗衄王初欲事行虜無取濟
至於糧伏皆自贖持反猜沮班師險夷著節所徑千里
不犯一毫竟能巨抵焉梁檠旗振旅俾感撫循之德悉
平憤激之必又屬揚復恭揚守亮之在興元密叶狂謀

顯逆狀旣連唐略逾區封畿王知岳拒命不悛逆鋒立
潰朝廷乃詢故實蓋委制臨巖險悉乎農害胥悅及邠
岐合勢梁漢須臾殘寇總奔兗威尚熾乃命都將選精
銳五百趨商州南鄆俾其捍禦授以機權奮以擊多排
山壓卯魁渠折首支黨東身凡梟擒之外其所歸降并
家屬尚數萬衆實資神美大振國威爵賞旣行中外同
慶遂冊拜太尉太郡王食邑若干戶王常謂滿能招損
貴必期驕幹宰造之權無容又巧室間離之隙莫若推
誠誠在永能形於崇讓故自加相印太保及今封拜凡
瀝懇數士上言無不至人以爲煩朝旨莫迴綵綸疊降
鄰藩方睦勉諭萬端至於恭命之時猶切履冰之懼噫

為臣為子安國安家固俟交修乃能爾訓推其錫類足以及
人體忠貞則其道遠同且非黨憂社稷則其心不隱意
亦何尤內絕私嫌外周泛愛此又特政之難也致政僕
射雖著義方穿施嚴訓王恭勤備至浣濯必親臨教唯
恐貽憂居常未曾掛慮怡顏侍膳蹈影循牆此又力行
之難也識以濟才學而敏政退分齋慮開卷忘疲雅好
咨詢尤敦名教每用通儒之術時開講札之筵此又聳
勸之難也洞達物情深涵雅度邪睨必照狷直皆容心
矜自平毫端靡忘幕中取士必以精修麾下選材亦兼
敬悅舉無遺美用即成功此又鑿局之難也勝殘之本
往哲所先聽訟之明信片言立辯王自治軍蒞政總及壯

年照忒揣情必研精慮司法吏乞常陳其獄繆因等三
輩已甘抵刑王察其深寃果驗真款所司考校奏陟殊
尤不示威強唯修輯睦匪猷漢之好入無聲妓之娛惠
不費於公財利不駛於私室以是訓服可殫蠻貊又常
滋種德非止恤刑危者不擠窮者必拯昭報果符於冥
感嘉祥屢表於有年亦奉真宗庶能柔物慮苟希致福
必將強斂於人唯申孝思自置精舍有詔褒慰仍賜陟
此焉名而又初製都門崇嚴岳廟僦徒繕壘賦食修營
皆役遲奪農悅能集事九築新城若干尺增構營舍若
千間架又添主客軍額若干人至乃上勅時貢下濟朝
班每於均節之中須用方圓之術英規茂績輝燦古今

昔周人之錫彤弓漢氏之刑白馬用昭信誓實賴匡扶
故命曆之延更逾於定鼎山河之誓共慶於貽孫煦作
春臺恢焉壽域其間偶纏災數暫翳妖氛方搖發殺之
機已屈爭衡之力糾踐土兵車之會敢瀆瘞盟稽防風
玉帛之期終嬰大戮况伐國家仁敷行葦澤及漏泉協
宣睿作之規茂對昭升之列運符幽贊賢為時生金石
俱諧旂裳並煥其或疇茲戡定別犯脩良既允屬於當
仁宜更標於刻石今據都押衙錄事參軍等狀具言乞
置生祠已令罷請其制碑事王雖遵恩詔唯飾詞累命
賓僚致書申諭且道由屈已久則惟難舉不避讐非
徒禦怨言而必察孰敢隱情研深本在於防微慮禍莫

先於輕敵靡忘慎恪方保初終以此特危自鍾金社旁
徵明哲載考聲猷久副弘慈果膺異獎臣僑居郡境備
聽人謠雖之潤色之功夙慕陽秋之旨今則處承綸煥
俾振寵光將致不刊敢瀆溢美仰太華捧天之跡力可
扶危縈渭川潮海之瀾人知注意竊惟尊戴克盡褒揚
庶用永孚斯為烈誠銘曰

天視唐德丕祐一人克文惟獻克武惟神乃戡乃又自
我憂勤興運以固萬國益親

有君有臣內祗外肅載庸碩勲以輔以收惟此戎藩控
臨近服惟此韓王華人之福
既忠既孝上行下劬靡恨靡柔惟王之教王之士伍化

王仁勇鼓之而抃賞之如恐王之農大化王勤瘁乃積
而輸乃糧而僭王之吏屬化王明恕察而不煩誘而不
暴王之賓朋化王德義惟窮是恤惟善是庇王之親鄰
化王服儉人有勳財官無橫斂王之僑寓化王悅古齊
夜致之里如節魯匪勵匪率孰濟厥庸匪誠匪尺孰表
厥義莘郭惟鄭郭氏舊鄉始終敬慎千古汾陽誰克繼
之轍韓王明宣祥發與國無疆

碑于道周於王何有銘于王心而后可久儒臣奉詔俾
圖不朽永保休光在王克守

解縣新城碑奉勅撰

夫披圖著象即亘長垣裂壤奠居必局峻闕雖四鄰之

可恃在百雉之難窺然而事有弛張得時而後顯功無
巨細得人而後施今見之於解城矣我皇帝之御宇也
累聖勤求登賢致又鑿乾締稱允歸睿作之功壽國陶
融必有挺生之佐式扶昌運對越上玄皇帝體睿哲之
機延統和之祚高視無外旁羅不遺洪安瀾洞茲窮
壤明廷委瑞分映古今肅清廟之威靈竭大臣之忠力
雖鍾災會益振英圖繫在知人念茲活國內則臯鼈吐
贊外則方邵專征克著廟謨且貞師律其有魚膺注意
宜屬宏材正柱石於洪基感風雲於冥數蓋祥發神授
祐我昌期斯又見之於蒲師司徒王公矣大爽炳靈中
條會秀致用則牢籠三傑圖功則擬議一匡受寄股肱

僉諧夢卜遇帝車出狩天邑纒兵節禹則封拜關中方
之未重寇恟則撫綏河內比比寧艱輟外師之稔謀導
鄰藩之叶舉於是侯星遠降詔命始通瞻日月而惟新
覺山河之自固人祇洞威軍旅益雄但既逼寇難言且當
津要車徒遂至竟赴齊盟戎夏駸駸共臣京室慮風迴
於原燎竭日費於雲屯輯睦允諧供儲克瞻棟持廣廈
鼎鎮厚坤始以一城之危抗移國之盜竟以數郡之力
壯勤王之師勳復旧都慶延殊渥盛矣哉傳曰德刑具
舉武之經也農戰交修政之本也總是數者方為全美
此府有大曆貞元之隆郭公渾公繼臨雖博厚粹和本
朝寶賴而儉德異政稽史闕然公洞識古今兼資文武

弘以濟物而恕心探情明以照奸而殺惟制亂人皆知
耻道不捨遺視禮法之率由信息威之並濟猶以爲備
則無患志在格言安則懷生命於善教是資蔽惡有待
必攻晉人之固護河南齊將之經營汾北雖謀非善守
難嬰戰角之展而利有必爭宜保馬頭之險由是公之
初蒞鎮也即以此地北綿汾晉西逼界秦造舟而雖貫
復閼壓境而匪憑高壘時當無事則雜犬混并運屬有
戎則豺狼密通浮嬰或渡縈帶是虞遂創新規驟成堅
壘挾洪流而作固屹斷岸以高臨事等振喉勢同捍首
豈比平原伐隴自標威寇之名斛律侵周別建定誇之
號及城陷馮翊西面益孤 舉隰川北軍方至遷延未

測偵謀相搖日有風傳士無人色賴我閼防夾峙津戍
旁通社兩岫之金陽堅衆心之鐵石共增聲勢符以枝
梧既納款於師臣仍撫安其新附交獲利濟並致成功
不然則所恃長川亦當奪險笑而又以解因沃饒之潤
置權貨之司官帑委輸商徒繁會雲連里閉山峙貨財
絃歌詎稱於武城錦繡慙誇於襄邑貫天錢而下積已
應星文詭寶氣而旁瞻非惟劍彩所患者素無城守難
固人心微有警於煙氛遽深藏於林藪孰懲誨盜克讓
周防振古所遺非公莫集既總兩河之務值多事之秋
檢吏通商機能制用矯時阜俗儉以率先凡立科條皆
能刻勵五便雖優於兼俸一毫不潤於私家用給工徒

遂與板築精擇主將得張郁時官聚軍儲市播物佑
歆因賦役亦以賑飢夫事貴研深所以見於未兆人難
慮始所以樂於視成初公密計地宜且稽農隙裁其經
緯授以規絕吏既克勤期不憊素自中和二年冬十月
奏請興役至明年夏六月凡計工五十萬城高三丈周
總九里一百六十步隍剗濬洫捺冠層樓外勅犒軍之
營內修禦教之具觀其地縈壯址雲鬱平川擁升勢而
增嚴屏要衝而莫犯歸師遠跡志自意於窺覩匪境罷
耇亦寧虞於奔竄其地緝飾悉叶機宜公旋陟上台懇
辭劇務咸欣庇賴益著詠歌遂乞飛章願刊殊績以圖
同庥樂土見託蕪詞權鹽後章雍檢律在公巡官王慤

琢磨効用與植將及商人等聯狀同詣所居瀝懇至於
垂涕竊惟自古恢揚盛業激贊宏圖朝則帶礪傳盟家
則盤盂著誓必資麟筆共振鯨鐘維代積崢嶸而声稜
悠久滄溟鼇抃日觀可危片石螭銜雲臺水峙將貽終
古實在斯文雅非振藻之工敢狗披丹之款擢鹽使崔
贊温恭奉上感勵知催勸使王能遵妙簡宸衷喜成王
事並以磨礱已久結構仍崇靡知竭地之誠遽有聞天
之請名微墨客短才本謝於微能事僭詞臣牢讓豈申
於恭命且禁暴曰治濟衆曰仁以此視其為誠足以知
其為政衆惟同仰暴莫可凌彼或蔽捍邊荒繕修堡障
猶誇溢美顯示將來况數仞聳威近函陝右一方增氣

旁帶閩河儲國用於無虞息人勞於永逸寵傳褒詔喜
動鄰封方屬沉懇難辭紀述與崇墉而並揭豈深谷之
俄遷式備昭功靡慚撫實銘云

蒲乃國樞險惟天作挾魏控秦佩河冠嶽蒲屏是雄勳
賢是托孰膺帝俞克振王略

上詰倚注元臣激揚千霄作鎮跨海烏梁今無不肅謀
無不減擢彼新壘屹然巨防

川廣可踰山高可輟曷以善閉必資全策城增嚴晨

驚夕惕利害斯觀天懸壤隔

解寶通監貨則兼羸車喧咽輒戶侈連甍財雄擅響鼎
食提衡三河競湊六輔皆傾

內貫通莊外無固圉戒易啟讎覺同細侮或駭一呼難
施九拒雖有棟榱孰庇風雨

傳褒命日詩美雄翰長空嶽聳厚地雲蟠俸能兼濟衆
得懷安聖衷乃眷茂跡宣刊

飛叶人謀机先神授虞於不虞守其必守峻亦夷堅亦
朽唯此殊功翔之克久



國家圖書館, NATIONAL CENTRAL LIBRARY, TAIWAN, R.O.C.

中華民國七十九年

五月

五月

五月

五月

五月

五月

五月

五月

五月

五月

五月

五月

五月

五月

司空表聖文集卷第七

雜著

唐宣州王公行狀

上考公

石氏墓誌

復安南碑

唐故宣州觀察使檢校禮部王公行狀 凝

曾祖翊皇任御史大夫贈戶部尚書謚忠

惠公

祖重皇任河東縣令贈潞州都督

父衆仲皇任衡州刺史贈司空

一鳴集

國家圖書館, NATIONAL CENTRAL LIBRARY, TAIWAN, R.O.C.

公諱凝字成庶太原人禮法冠昏著于雅族國朝忠惠
公克振農烈而河東衡州皆德優位下宜其集祉於當
世也公幼孤英發有神檢整襟受業瑞氣鬱然羣輩莫
敢輕狎相國鄭公肅寶公舅也一見聳異命子約為師
友孝愛識度宜其大成年十五舉孝廉上第既為文根
六經必先勸試著都邑六尚銘益振時譽魏相國扶王
貢籍選中甲科崔公瑒首碎醜府周相國瑒鎮東蜀裴
公休廉開宣城操幣者交於門視其所知知其立矣崔
為上介韋公有翼初為御史丞盛選僚屬公首狀拜監
察會鄂州鹽鐵使賦狀上聞有力者持為滯獄公馳傳

即訊涉旬辦法轉殿中侍御史崔魏公出撫淮甸奏為
節度判官始以省秩命朕似助準的著之美謠崔太保
慎由浙西又拜徵左史而大誇得人之盛遷礼部員外
宣宗朝嘗待制獨被顧問正色謹言不附權威及內署
進擬竟為所擠歷兵部考功員外前史稱第一流必為
第一官唯公資望人謂無愧轉司封郎中相國蕭公真
判啟籍請公分佐其務俄拜長安令政無私撓奸猾革
心鄭公處誨總憲綱公以考功郎中知雜事不示峻厲
僚吏有肅相國夏侯公用為中書舍人旋以同列或非
清議遂移疾乞免拜同州防禦使兼御史中丞賜金紫
屬精為治表率列城吏民守闕乞留遞道宰相言狀上

降璽書褒允竟謝疾葺居華下中外之議謂公不可文
柄為朝廷聞政竟拜禮部侍郎韋澄邁在內廷懸入相
之勢其弟保啟于進自謂殊等不疑黨附者又方據權
亦多請託攘臂傲視人為寒心公顯言拒絕及榜出沸
騰以為近朝難事噫仁人之勇其可力奪哉久之時宰
竟用抗已內不能平遂致商於之命尚帖御史大夫以
塞群議高病屬邑頗濱於卸主吏驟更破產不給而南
鄙山阻屬役尤難公俾相資贍得以均濟又治賦羨銀
例皆摧佑以優俸公命即賫月市驛駟橫擾既絕謠訟
溢境明年加檢校常侍廉問湖外理潭如商罔不慰悅
先是內外侯臣自江陵理棹則緣境數州皆弊控舟之

役公舉奏條約給官緡以餽水工自是役行不淹入遂
安逸又支郡牧守選用素輕小大之獄不敢專斷繫驗
往復動涉歲時公命拉法以降得自踈決苟或滯寃方
許詣府陳理奸絕宿稔政賴滌煩此皆勤卹之尤者也
上初即位講求名德徵拜兵部侍郎至京未幾以本官
判鹽鐵峻望所服科條自振征稅之入歲中兼倍然賦
財制用不可以私干當路者多不便遂以秘書監分務
生徒自言於洛下者公神意無忤且曰吾豈受其任而
怠其事者耶幸非得衆於君爾何感既更歲持權者以
公論所歸慮將復用遂以大河南紹之內國吏索奸傲
法人不聊生公捕伏辜都下震肅初汴州黑風之變帑

藏一空令滑橐中令雖持軍有術力且不振時公方領
餼務因詔旨遂使便宜以漕米二萬石立賑懸給及中
令復大柄推功上前且行涉勸之典乃加檢校禮部尚
書按察宣歙池三郡公即治未暮人知化矣既而賊黨
濟自九江且將入屠至德公命偏將樊儔扼險以俟繼
儔違命輕進遂斬之以徇令既必行人亦自固淮南環
其境皆烏盜有命公強弩據采石陳旆以為聲援次將
馬頰又以舟師果夜鼓譟立解和州之圍明年兗渠復
大入而都將王涓亦自永陽起敵公宴勞加禮且諭曰
盜匪詐情吾盡得之後則抵虛以自張急則紿降而脫
死無他謀也今席勝益驕謂吾城不勞而可綴奮臂而

東前無絙髮之礙若知吾堅壁待之其勢自歟將軍第
按甲稔威似伺其隙慎勿與之驟戰也涓意銳自州日
趨四舍至南陵未會食而陣遂死之明日中貴人復歛
敗卒尚四五百人傷痛之聲與塵埃相雜而至江南雅
自怯獨幸北軍以為援乃聞涓敗相顧失色賴公前策
涓不足恃拒守益嚴又城中水乏而泉自躍出人心不
搖竟免攻圍之患其後日夕撫循常若盜復至者先是
有星直寢庭而墜術者謂保境之勞足以暴列於上因
遂請告災變可攘公曰東南國用所資宣為其屏吾處
規脫禍則一方尚何賴邪誓與此城相存正矣勿復為
言竟寢疾猶日請監軍使親授規謀以虞侵軼其儲蓄

儀貌之利到今賴焉乾符五年八月七日薨于位享年五十八上震悼輟朝發使臨弔贈吏部尚書惟公博學深宏端潔明懿極天人之儀品不陷於浮挺文學之宗師不炫其價儉為國寶身華時風訓閨門以孝慈育生豐以仁惠固已彰之于四海矣俟贊揚而後顯哉或曰近古所謂清賢止於秉德秉彛高拱以服物蓋謂微其材則澆其譽今王公聲望足以貽於信史而狀之所述先石功實損益之効豈相補哉愚曰君子踐修以澗其本耳其外力或可濟豈知之而不為公以是志其大者非汲汲於致用也斯可蓋乎圖忝跡門下義服終始兢命撰德唯以漏略為愧易名有典敢俟至公

上考功

竊以修名校德非無可久之規稽實圖芳亦任飾終之典恭惟政府尚書王公標延雅道藻耀儒林業裕匡時仁周濟物洛下則神仙元禮威振邊陲江南則談笑謝公勳高冊府必弘聲價未浼風華中外具瞻淺深莫滌方啟釣川之兆俄纏罷市之悲愨實不彰清塵遠邈褒揚未盡增一字而何慙聳勸可伸登九原而如在共仰推公之志敢忘効報之心克振彛章必先僉議謹狀

蒲師燕國太夫人石氏墓誌

嘗覽淑德之傳多矣其有存所以保千鍾之養歿所以固九族之安始著宜家終由訓子遂致忠賢報國叶宗

社以儲休憂不貽親指山河而獻壽永惟作範必在擇
鄰今見之於太傅相國王公矣夫人姓石氏其先樂陵
人也積德濬源疏封命氏勲華相煥名教所宗確著義
方騰褒魯史虔稱醇謹作表漢廷或則西晉元功文則
東都勝會門資天爵代有人豪曾祖士端信洽州邦聲
高河朔雖抱不使之憤已呈展驥之姿祖抱珍紫蓋千霄
青萍溢匣早膺曳裾之選實惟極物之仁父猷直岑鼎
傳銘瑀戈錫祚拔聊城而騁辦倒趙幟以標奇上略攻
心敵自寤於術內雄藩琬只位實冠於軍中娶某氏生
夫人生稟閑華動循禮法父兄加教閨閭肅然一時以待
於勝筭聘已徵於鳴鳳年若于歸于我監州常侍公累

更劇郡兼總貞師臨危無暇於憂家抗志唯聞於辭第
夫人恭勤自始輔佐必申柔以齊剛儉能周給表齊眉
之敬我在得中成克己之名公非無助及哀當畫哭室
乃磬懸萬里爰婦諸孤未立共誓食貧之旨唯懷均養
之慈有令子五人長曰重章皇威州刺史志珍國讎威
清塞表仲子重簡皇華州節度使贈司空化高列岳功
顯本朝李子重盈今在河申節度使嶽立一峯陂澄萬
象潛施和煦則闔境皆蘇洞感神明而亂根自翦振家
聲以光前烈獎京室以定中興益著恩威方膺倚注次
子重榮皇河中節度使贈太師允集大勲以光前烈次
子重益居常性謹履險不疑並稟教母師嚴申子道克

濟高門之慶亦符外族之楨及巨寇長驅橫流孰極太
傳相公首臨分決本師旋鎮河中司空亦作牧華州共
勤王事皆遵勉勵大濟艱難由是中使褒崇冊封初國
太夫人特彰禮秩之優疊降珍華之錫而陝華與蒲各
持龍節迺陟鶴原每屆歲時競先迎奉宗姻列侍士庶
聳觀三鎮旌旗出道守藩園之樂一門鼎鉉入調殷飪之
滋福履既豐善基彌固而諸孫顯達者威州僕射之
子某司空院某宏材入用逸氣超羣太傅相公長子故
晉州刺史瓊洞寃韜鈴蕙明吏理次子今任陝州節度
使珙挺為端表隱若長城又次子檢校僕射璠禮備趨
庭謙光待士太師院三子皆葆和自晦樂善相成共弘

襲構之規不忘折筭之試蕃衍益盛古今罕儔豈同曹
氏紀行惟觀色宰潁川列會徒仰聚星慈仁之報宜哉
溫清之榮極矣光啟丙午歲八月二日薨于興教里第
年八十有二期頤克享歛膳稍違方當棄養之辰猶切
防危之慮風雲变色里巷纏悲詔自行朝進封燕國太
夫人初太傅相公遠奔喪次俄逼衆情金革從權苴麻
終制運頻遷於星籥用方叶於著龜孝思罔極號奉先
違以龍紀元年十月遷柩于河東縣某里瑯琊公之塋
禮也同盟致享備物充庭蔣欽之帷帳重新傳氏之威
儀特感眠牛勝地兆永繼於公侯弔鶴殊祥事更傳於
簡冊所以光昭懿範表識玄扃猥屬短才不容牢讓仰

閨儀之作則盡揭貞標愧墨客之摘詞徒列出礎

銘曰

飛星降彩德水疏璜發于二姓兆彼百祥貴游標譽賢
媛疏芳同蠲嚴祀備養高堂敬傾秦晉好睦潘陽充閭
必顯昭社宜昌

四德具脩六宗皆敬纂組雖工紛華靡竟嬭室栖貧真
空喻性幸謝徽柔班慙翰映勗以輸忠資其積慶御府
移珍天人錫命

五家邑里吾子封疆通衢賜第異姓稱王三牲上膳萬
石奉觴庭羅鼎饗累銀璜造軒咽軌駐日迴光兒童
意氣旌旆飛揚

榮冠一時報臻五福達惟體順歸寧改卜拱樹高低連
岡起伏孝子終禮行人望哭哀樂周環短脩同燭永閟
珈珮空彰明淑魚谷變而陵迂兮信唯蘭而占菊

復安南碑

臣聞天示武而太白不滅地育材而雄金自生高煇鏢
彗孛之妖並用蓄干戈之銳魚域中治定玄功載洽于
人祇而閩外抗稜層略必當于弔伐是以荆蠻作戾周
祿免捷之謀越貊稽誅漢用乎之策馳雷霆而飾怒
象在勝殘命貔虎以擢征吾非樂戰皇上之御宇也
機作聖抱凝神蕩千古而獨駕雄圖掩八鴻而宏開壽
域撫百年之昌運教厲延洪欽下武之耿光德膺丕显

心貽玄極道其衡樽金推震有截之威玉鏡洞无私之
照蒸雲涵潤决天間以滂流擊壤登歌嬉春臺而自樂
故得氤氲叶慶動植駢付丹葉則宝露凝芳璫闕則非
煙泛彩方欲停旒高視仰至道于華胥輯瑞標虔著成
功于日現綿寓隸必封之俗宥荒輸稟翔之心鳳樂方
陳翔企競光于率舞鯨潭不讓潢汚自絕于朝宗逝矣
荒陬蠢茲夷孽拒昆池而漸境素瘴海以疏鄰雋穴前
瞻地势乃遙分八角孱陵却阻星躔則下燭五溪競蔓
毒于蜂宗扇梟晉于鳥浩湏亦瞻雲荐祉幕重譯以朝
周削社移珍詛三章而頌漢金印示殊藩之寵銀簪增
服冕之榮方毓德以羈縻竟憑驕而皆誕窺華飾偕火

喧繁瓠之鄉貞險挺拔壹結沉黎之黨琅川大擾洞界
橫侵缺徒之勇氣干嘗都護之旁兵窺谷千艘感浪蘭
津之戍火宵明萬里驚塵梅嶺之人煙晝斷舉旄何暇
猶申叩馬之忠曳踵誰觀莫救點鳶之疹既而城夷交
趾壘陷功門飛駟以聞天决神機而起劔膚儒橫議
請罷守於珠崖賢相拔奇命啟行於黑水於是鑿門受
律杖鉞忘家宸衷輟肝食之憂壯士德得橫行之志豈獨
英籌獨運猶咨平越之庸妙略遐宣乃建伏波之號声
光載路勢激疾雷下五嶺而震金鉦沿三江而飛鐵軸
中摧峻按虎脚以風生上將策奇指龍編而天落賊
將未道古等傾巢奔命負固偷安寨合浦以連音巨同

勞而結綬雕題誓衆猶疑黑穴之神鑿齒窮兇豈直青
丘之暴尚以哲王濟治先德後刑大聖兢懷好生惡殺
韜戈制勝舞舜戚于兩階弭節昭宣縱湯仁之一面諭
其歸首霈以鴻私姑停麗獸之机題誓輸龍之信守迷
崇亂更宣蚊蚋之群觸禍乘危猶暴帑銖螫之網元戎然
後抑揚英武嘯咤風雲援旗而激憤衝星狗国而抽誠
駕日我神洞妙態韜豹略之杖舞電 稜越騎燕犀之
車于是管開韞石陣壓靡冷前軍則浴鐵登爭後距則
跳刀鼓勇宣声駭宇怯鼉柱之傾維壞氣橫提晦鵬雲
之寢耀戒旅方振兇徒大領動必冰摧疾如慧掃驚濤
沓鼓喧極而獸檻爭奔烈焰羽天瑛鬱而虹梁忠斷駭

脩鱗之决徇軋累卵於排山七擒摠必勝之能九變逞
無前之銳伏尸百萬米窮追北之師廓地三千豈獨安
南之境始者以朝廷專征重寄騁績遐方慮切均勞謀
當易帥軍符未契猶懷稔寇之慙詔命將臨俄有麾城
之捷遽收宸渙仍降優恩重委緝後更恢徑略傷夷盡
復爰申借寇之誠旅拒頻臬寧止 嘉之獻朱葛耳得
粉雉還嬰宣聖澤以懷柔道和風而煦育誅榛蕪梗肆
望樂却撲魅驅狸潛消珍氣農商並勸食力兼儲軍雄
而蹀駿嘶風劔禡而蟠蛟吼匣兇渠假息屢驚喪膽之
魂王旋騰裝更俟指期之奉投機扼險委勁待時幸席
卷之可乘冰清丹徼匪鞭長之可及焉用石田昔下瀨

徂征寧踰象坂渡瀘掩紀終息於川豈同指授長馳披
攘右弔沃騰瀾於燭火蕩危葉於衝飈利盡海隅聲稜
蜀表中規克運振日捷于丹冥吉語旋聞度山呼於倚
殿匪徒封辭受首三十六之種落迎降槃木歸仁六百
萬之室夷向化咸懷益著典秩遽加茂績英姿別贊畫
麟之寵帶河礪嶽重申白馬之盟自將禮冠于朝倫豈
特榮高于策府盛矣訖且四夷猶夏千古勞師折衝安
在於謀謨委寄惟艱於授受昔之命將繼得其人莫如
材馬時生祥資世烈感狼星而兆壯煥驪穴以騰英玉
帳金壇神授六韜之訣珥戈寶鼎門傳八命之基故能
業嗣良弓名高異俗撫士樂同於鳧藻伐謀動契於龜

著麾下從容每投壺而講禮帳中談笑亦披卷以研精
必當躍馬橫矛恨征南之不武詞宗學海輕鎮北之無
文式是全能允膺注意故得勃吞敵國勢峙長城廟弄
遐敷家聲克裕三川底定繁青史於元和九郡肅齊著
洪勲於盛際元和中杜相公黃裳舉撲射宗文平蜀今
相國夏侯公用安南公駢遂復交趾故也

恭惟燕翼之

謀自契君臣之美幽陰雪憤竦七廟之靈誅雰廓清
彰一人之聖武中外提福飛沉載揚常帶諸生挺鎔賤
質早負徵能之志曾無聘力之期有慙於嚮衛明廷歆
希播草非所以煥揚休烈未始抽毫竊抃神功猶增懦
氣鹿鳴登薦臣无補于頌歌龍德飛崇大國必資于

雲雨昔牢夷，勦定漢祀崇。勳林邑克平，隋刊盛績將。致
耀聲明之，遠暢託轍跡。以無窮輕叩剪材，仰騰茂實庶
雕豈麗德，卓窮壤而長存。瑩儉圖巧，示威靈之無外。載
惟荒燥，遂揭銘曰

珠躔映運，鼎業鑿乾。麟銜瑞紀，鳳舞昌年。層瀾浩注，景
祚遐延。光凝寶篋，度霽祥徧。

止詰繼文，皇圖增煥。得一殘義，登三輓漢。懿綱牢寵，大
鑑貞觀。宗社還資，徵明接旦。

董腴潤潤，月窟皆傾。鈞山就日，截海來庭。琛羅翠羽，賁
委香瓊。旁魄萬有，駿奔百靈。

乃睠荒夷，獨迷玄造。虺毒潛萌，狼心益鷲。侵激焦煙，塵

靈瘴嶠，敷命講材。式資窮討。

均服將授，暢轂斯臻。肅拜清廟，時惟寶臣。熊旗日浴，貝
曹星陳。機懸玉弩，慧迸金驂。

申命長驅，指麾橫厲。嶧、鷹眸稜、虎視疊懿。歲山連
師，禺裔視險。必夷屠豎，若脆

玄次。增耀亦憤，憑兇烽攢。睥睨火迸，艤艫天聲。下震神
將，沉雄高牙。爰指厚陣，皆空

吒咤虹攄。騰凌電掃，動若摧枯。勢踰穿縞，血浪噴溟。顛
山亘島，冷卷一隅。霞披四表

戎武既張，我威載揚。克違剪命，乃恢舊疆。上帝寵錫，元
戎休光。允茲壯烈，有耀羣芳。

遺孽偷魂數將燼，咸魚窮燮鼎蟻懼。搜穴用警殊倫斯，
為霧輒勒頌海垠。式昭天伐。

司空表聖文集卷第七

司空表聖文集卷第八

雜著

題山賦

共命鳥賦

釋怨

春愁賦

情賦

連珠

詩賦

題山賦

爾玉髮以羣嬉兮乃恣狎於林壑
窘世路之榛、兮匪

一鳴集

國家圖書館, NATIONAL CENTRAL LIBRARY, TAIWAN, R.O.C.

茲焉而鳥託仰基矩之惟舊兮豈辱眇之彼度矧漸絳
而還農兮亦靡勞於澹 杜神功之騁奇兮枉一峯而
中擢齧齧鼻而噓空兮湧佛螺而旁絡阜交踰於良隅
兮俛川騰而黼錯躋遺揲以仰眩兮洵瀑巔而電薄腴
卉木以駢昌兮藹葩屏而麝握滋彩綵以紛翔兮玩韶
鮮而戲濯睹群物之遇性兮澹吾躬而斯樂笑殊道以
佻強兮憇拳鵬而踟躅雖穴處而志揚兮邈軒肆於宏
廊借家國之未忘兮鄙榮伸而陋約鍊貞明而自勗兮
行與息而靡怍

· 共命鳥賦

西方之鳥有名共命者連腹異首而愛憎同一伺其寐
得毒亦乃解之既而藥作果皆斃吾痛其愚因為之賦
且以自警

彼翼而 罔憎其類彼虫而螫罔害于己惟斯鳥冥
乎羨首尾虽殊腹背匪異均休共患寧忿寧已致彼无
猜銜董以餌厥謀虽 厥福孰避臬鴟競笑鳳凰愕眙
躬虽俱斃我則志類人固有之是尤可畏或競或否情
狀靡窮或同向 鉤挈其外膠綴其中癰囊已潰赤舌
彌縫緩如 迅如駭蠶附強逆意掩醜自容忘其不
校寢以頑克若茲党 類彼冥弘多一勝一負疼嬰禍羅
乘危逞怨積世不磨孰救其殆藥以五和恠虽屬鳥句
伐庭柯爾不此病國如之何

釋怨

珣華公子与夸世豪舉綺紈相遇意氣相許貞茂松心
賞微琴緒驥驟齊驅鸞鷲並者翳誓風雨而不迷期始終
之可保既而眦睚有違寒暄遂殺雙情已忤久要方虧
遽青蠅翼交姤娥眉將搖牙而構福寧弃跡以懷悲於
是鎮俗先生聞而諭曰夫性溫澆醜道方廉耻勢執則
讎名浮則忌仁以剝搖情由色醉疊積携其來有自
謂金石而中渝惟鴛鴦之可愧願室隙以雕譚庶追歡
而寵誼借如標竒炫世角立爭英雄架橫天之譽高凌
冠古之名昧褻華而喪實紵飾智以相傾而木以秀擢
鐸由貝敗主能則驕伐勝必殆豈溢美而是競忘搗謙

而自愛玉乃重侯盛族六貴豪門驕據榮路虹伸要津
光鏢天地勢驅風雲指顧而傾象迴取嗟歛而窮律驚
春而盈爽交分盛衰翻覆惜喜室之方開競駭机之潛
觸將挾炭以爭奔焯傾輒之已屬况若越溪佳鹿楚硤
神仙凝穢美冶挑上声寡嫂始利臉波灑寧蛾月殘妬
芳紅之笑白嘆翹翠之嬉蘭而物尤則妖美極則鹿二
國媯亡六宗姬替或滯愛以罹刑亦寵迷而逮繫必冒
色以崇讎是危家而速戾則有邪龜畢卒環貨蕪儲庭
雍輦壁室翫量珠吏方訊于賄死客有論于錢愚而侈
必貽殃聚惟廷冠鏢金遽探毀土猶聞輕壘利川焚身
斯據而損首嗟四者之是嬰詢五交之可疚且夫電

波悠以人生若浮一瞬朝暮百年今古雖復角勢圖王
鯨吞步蓋世稜威排山逞怒壯氣俄摧雄謀倏沮淚
空掩於牛山稚已登於驪阜天遂妍蚩於此同期芝華
莫咀松子誰追鐘鳴漏盡樂往哀隨花官綺閣之規蕭
條夷滂清哇艷舞之姬月墮雲飛落哀晴錄億恨千悲
是以至人達觀物我俱遺混休戚忘健羨孰壽孰夭孰
榮孰賤大笑幾何虛舟無怨豈蹄涔之不類蝸角之徒
戟用招三壘之端期塞兩家之難時也二子塊慙色禡
跼聽玉音祛蒙爽曙雪涕濡襟明坦夷於末路扶藜芬
子情心願伸縷歎永佩良箴

春愁賦

芳灑兮芳華綿、泥去晨霞兮泊晚煙鬱情條以凝睇
負愁緒以傷年羣企晉悅幽棲自憐勝事而何人忘返
賞心而与我相捐當其玉律驚春香風拂曙晴陽小花
之道緝靄青門之樹繡轂相追金鞵並駕携艷冶以爭
出指狹邪而共趣貪壯歲之娛遊惜繁華之易度豈知
依推上國寂莫良辰林出鶯弔院古苔新暗想歌鐘之
會出隨車馬之塵落日暉以懸琴喚頻孤枕後故園之
夢一宵驚白首之人江楓暮兮江水深蕩羈魂兮勞遠
目倚蘭棹兮兩霏、歷蘋洲兮衣靄、千古兮此時此
地恣輸忠而見逐進鴻下兮進草生擁玉帳兮滯龍城
折柳厭河梁之贈落梅傳戍笛之聲萬里兮此時此日

嘆積雪之徒征莫不慘澹傷神迴環索慮念郢關以回
首憶帝鄉之歸路雖陽和之暗攻自眇然而誰訴於是
情馳天末黛歛閨中徘徊暖榭徒靡芳叢鶯泥滴而
簷壞蛛網迷而帳空憐笙罷與挑錦停功怨韶光之
虛擲與長夜而還同若斯者固紛尔多狀浩然莫窮伎
人情之質遷繫植物之榮悴何深衷之委鬱謝園照於
天地縈心夜焚凝魄朝醉同垢衣之莫澣豈萱枝之可
慰願昭暢於春臺雪胷襟之滯歛

情賦

愚常賦春情數百言狀其鬼媚咽自謂撫衆騷之遺恨
遭亂而失今獨憶其間三十五字存於濯纓之東楹云

暖融浴芳傍曲塘扶蘭心芳牽藕腸雨絲、芳幕晴芳
阻佳期芳日難忘情煙綿芳情自傷

連珠

蓋聞變可揣機明難辨勢金石之懸已扣孰謂識微風
雲之候未形罕知能制是以連兵百萬雖稱蓋代之雄
間道三千誰悟入神之妙

蓋聞和所賦植性自馴孰為之而曰鳳孰為之而曰
麟翔必以時肯爭鳴而作怪動惟中矩寧受嗾以噬人

詩賦

知非詩、未為奇、研昏練爽憂魄淒肌神而不知、
而難狀揮之八琅卷之萬象河渾沈清放恣縱橫濤怒

霆蹴掀鼈倒鯨鏡空擢辟崢氷擲戟鼓煦呵春霞溶露
滴鄰女自嬉補袖而舞色絲屢空續以麻絢鼠革丁、
燠之則穴蟻聚汲、積而 垓上有日星下有風雅歷
詆自是非吾心也

司空表聖文集卷第八

司空表聖文集卷第九
雜著

一鳴集

温州仙巖寺碑銘

三賢贊

觀音贊

李翰林寫真贊

香巖長老贊

兵部恩門王貞公贊

相國老君

今相國地藏贊

化莫雕刻律疏

國家圖書館 NATIONAL CENTRAL LIBRARY, TAIWAN, R.O.C.



澤州靈泉院記

温州仙巖寺碑銘

巖之巔森戟鏃天中宅靈仙瀑之作風幹洞壑地洶山
鑿金越之裔甌之隅人遵而腹其其師其其牧地北而復

三賢贊

隋大業間房公李公魏公皆師文中子嘗謂其徒曰玄
齡也志而密請也惠而斷微也直而遂俾其遭時致力
必濟謨庸厥後果然宜其贊激云

三賢志同夙尚儒風以植公忠出遇太宗諷誦從容謀
蹶羣雄君勞臣惕荒夷阻關百千年社稷

觀音贊 証因亭

萬仞我山之險爭竦福梯一坑浮世之塵長遮覺路騁
雲漢而貪味臨鼎鑊以求哀當種善緣方希慈極某早
堅信受頻致感通夢則可徵足見未萌之誠行而必稟
冀無入晨之虞用建虔誠永貽來裔贊云

惟仁之尤警子昭幽將政而阻將軋而游忤者以寵呻
者以謳岳抃溟 証因斯寐

李翰林寫真贊

水渾而冰其中莫瑩氣澄而幽萬象一鏡擢然炯然
睨浮雲仰公文格稱公之文

香巖長老贊

言不可無也然為師之說者豈佐競而主勝乎且儒之

書曰率性之謂道老之書曰各歸其根而禪首之東親
扶人視聽至而又至者道與本俱忘哉且忘則塵滓回
從而滯耶或者假言為諭以妄釣真彼或泥於境而玩
其機是人魚莫能自辨矣大師之旨吾久得之學者既
難遽息必以其言為狂藥誰之咎乎

彼巧則病彼愚則競覺之愈妄矯之非正不雲而雷龍
河施哉不鼓而舞 何為哉匪豫執導匪羈執釋一塵
不飄見大師刀

兵部恩門王貞公贊

發粹而文蘊和而秀德無不尊名無不壽內專外濟氣
厚神全貞公在此千載聳然

相國老君

道尊教主帝系仙源字籠天壤施掌義軒施于孝孫克
隆聖祚分祐攸宜忠賢是保

今相國地歲贊

南陽公夫人茲城郡君慶記既祥追奉皇考吏部公滿
地歲菩薩一軀瞿暮威容力成至願圖于夫人為內先
得請而贊云

三界同倫六造莫際聖有佛緣極之無滯相不可睹理
不可窮人有虔懇感之則通孝字女師工惟婦德成茲
妙德申報罔極

為東都敬愛寺講律僧惠確化莫雕刻律疏

印本共八百紙

竊以化々無窮造成遷染孜孜不倦方導沉淪啓祕藏
而演毗尼無戒香以消煩惱風波未息橫智鷄而難超
繩墨可遵制心猿而有漸豈容穿鑿但致紛拏雖設喻
於三乘同歸竟路蓋防微於羣品共稟成規汎灑六塵
揖持万行寧俟空林宴坐方為解脫之門必令大地周
游皆詣清涼之境蓋能仁之警策也今者以日光旧疏
龍象弘持京寺盛進天人信受迷後季競扇異端自洛
城回遇時交乃焚印本漸虞散失欲更雕鏤惠確無愧
專精頗曠講授遠欽信士誓信良緣所希龜鏡也 津
梁靡絕再定不刊之典永資善誘之方必期字々雋銘

種慧身而不渴生：親眷遇勝會而同問敢欺福報之
微願允標題之請謹疏

澤州靈泉院記

嚴飾祠宇乃助教之方仁雄存亦不固避者非欲自奉
也蓋不崇不侈无以延年動群品俾堅漆善之心耳帝夢
可徵華綠已熟山川人祇固不存歎故自京邑以為遐
裔勝槩相望皆真厥居中條發于蒲趨于良傑出而為
太行則天壇不得不冠蓋華嵩卓勅日現也其北川壑
会流盤鬱轉自高平西顧以玄泉極矣泉之為灵非
惟利物亦當滋潤所及不育毒螫也其院東向显豁且
為大川編門洞闢正与旭日相近豈梵書所謂震里者

此其證也且有為無為於我不礙施之則若涸其中用
之則必滂其外皆極濟之大權也今禪宿洪密長老俗
姓劉氏本儒家子自直詣石霜契其大指煩而不擾動
而必同初自清涼歷覽以至是山乃初材栖之所遇太
尉李公駐軍高平首資葺構遠近道俗莫不歸嚮今蒲
苗隴西左捺部常因題紀亦備贊揚則密公之道益光
矣凡製經樓齋堂若干間架又塑羅漢深刻之相以漸
化服而後日集方丈敷演上乘自江北渡以至魏晉之
郊其俗堅悍難誘今則悉為佛人矣且善教童孺者雖
指摘其書而必言及覆曉諭當自釋矣若典教積于前
鞭撻駭于側將鼠匿之不暇詎肯說而從命哉律刑也

經誥也禪乃誘勸之宗辨其性而後入人耳故其道至
隱其功至博不可廢也常念蓋後之外逮傭隸雖奉養
至豐莫不苦於受制殊不知鞴鞅之勞或能避免而方
寸之內不形不聲牙孽年明詫其力者愈莫能爭以此
淪陷死生之域歷劫不能自脫其苦何如哉噫苟非三
世之尊夷山幹海六祖親授拔其鉗鉞長老繼作磨昏
抉睛則彼矍膏鑊而勇於自浴者雖糜爛其身猶未悔
也今乃聚其徒侈其居永為一方虔仰之所俾福惠皆
殖則密公之績烏可抑沒哉耐辱居士病且死不忍其
門人慧依慧悔之勤請也直紀其事惟以漏略為愧

司空表聖文集卷第十
雜著

一鳴集

壽星述

擢英集述

觀音懺文

迎修十會齋

雲臺三官堂

十會齋文

注臨征賦述

障車文

成均諷



壽星述

國史司馬先生辭歸朝中贈詩號為白雲
集丁天祐乙丑歲八月五日過僧閣云昨
夜嘉祥而閣望老人星見為時明十四日
朝參其日大河南府奏老人星見因以壽
星日羣公之作云：

自昔貞期不爽逸軌唯留堯天大而必容豈追徃漢
道亨而方至終亦超然未足濟時且資激俗宜經商略
乃稱搜揚若某者孤立多虞衰年謝病因耕畝而自給
非歆販山知在木而無堪便當為神一作社莫敢張皇丘
壑擬議巢由且自頃求賢多因肆青蓋乘運泰莫顧才

唯今上詰御臨元勳振旅英袞贊勳之旨庶人荷旌
賁之恩亟云倒追亦謂優禮但已申拜闕况逼懸車冀
脩知難之規免冒嗔榮之誚昔江表則賦詩而褒孔令
漢廷側出錢而寵蹕翁時振孤芳安標勝事今也龍門
迴望鶴蓋交馳落日琴樽前朝畫想家山之醉石認
客處之漁舟白首歸心黃花綠路未時不下漂零海上
之鷗去矣自憐放曠人間之世斯乃僅能忘恙庶可息
机敢慕高風猥煩中作詩家此會誰邀清夜之遊仙裝
去不迴別有白雲之集徒攀送唱益愧餘才

擢英集述

名利之机古今相軋混惟一致弘則兩忘或高視于揆

天或雄張於擊水捨麟作鳳孰降茅夷捐璧握珠牙能
輝映遇則以身行道窮則見志於言各擅英靈寧甘頓
挫自昭明妙選振起斯文榮雖著於方將恨皆纏於既
往當西施之既鏡不賞蛾眉豈伯樂之停車空收駿骨
乃使盛時才子翻樹泣玉之冤異代沉寃祇擲凌雲之
書九原誰詫千載徒懸思格前規用伸未者至若金屏
照灼統倚追攀裕之則管樂通期峻之則彭韓絕倒人
人驥路雲臺之此日豪華處、寫叢仙禎則當時寒落
各銘鐘鼎競煥緹油耻發譽于雕蟲昔事英于墨客世
上之九霄梯級總阻爭先機中之五色煙霞無妨倍價
知音嘿已作者誰尤思慰窮津用徵逸藻想其黎黃洞

奏錦繡畢陳涵經天緯地之源旬日襟萬象驕睹月吟風
之態嵩華一毫固當觸典牢籠忘情蒂芥况亦絃入弄
邱握稱珍欣傳賞奏之微免茹投光之嘆固已翹心不
朽抚掌浮雲探奇而角富騰泉炫彩而誇勅魚城夫著
言紀事在演發於全篇賦象緣情或標工于偶句虽豹
文必備方成隱霧之姿而翠羽已零猶稱凌波之玩誠
欲兼搜于筆海亦當間掇于蘭薰人不陋今才惟振滯
韻笙簧于騷雅資粉澤于風流事竊推公蓋止交游之
內替將罪戾益知褒采之难题以摧英庶能聳聽有唐
儀曹外吏司空畜

觀音懺文

伏以聖感至誠祥符吉夢久期瞻仰輒用莊嚴上以報
罔極之恩下以遂平生之願亦冀仁滋庶彙福必旁臻
且自叨竊一名晚夕三省慮增隱匿有負深知以此
歸心誠无愧色必也行欺暗室業墮分陰飾偽沽名來
机稔惡于家則崎嶇自奉忍骨肉之飢寒于國則苟且
求容承生靈之膏血是乃神惟必照鬼得而誅敢將
疊之身曲累无私之照至若見持蹇分將觸禍机或不
幸以逢尤或求全而受毀即常希擁佑必保孤危况積
疹初平殊息有自置齋生日用表成功所期却盖微塵
不竭依投之懇慶流末裔共成香火之緣粗寫丹誠仰
迴玄鑒

迎修十會齋

非才非望過忝過榮一舉高軒兩朝美官遭亂離而脫
禍歸鄉里而獲安門戶粗成簪纓免絕四十八年已往
未省歸心百千萬劫嘗來豈迷善道令終可保止絕何
傷災疾所縈古今常理但勤懺悔未去羶腥大宜均
罪于鼓刀小合誤償于失手况故蚤之類屢有傷殘僕
乘之勞時加垂楚或存或歿苦重若輕並願冬遂道遠
求祛寃結目前眷屬世世相逢身後林泉生自遣仰
慈悲之弘誓成出显之勝因蠢動有情沾濡共泰

靈臺三官堂

蓋聞元昭秉粹真極設官六日星而洞六幽揖品象而

尊三府雷鞭電秩未窮搜過之威鬼伏神藏盡在指擄
之列容光必照暗室難欺人倫知教義之宗天吏振綱
餘之日密弘善貸普濟羣生固宜上報君親下援戚屬
橐卞金而喜捨盡鑄尊像傾百室以裝成別宗祕殿共
申虔懇永締良緣使人而狗心不殘墮而害善銅頭鉄
額自刮角而推身免陷危机皆達懿澗况此現地連名
嶽境勝玄都在歷覽而可知乃東星之所集一池菡萏
時々而雪裏異香五夜沉慕徃々而峯前仙樂聞于眇
蠻雅令歸依今則自屈時艱多嗟力罄壞簷不葺朽
唯活塵蒙而廟貌全隳蘇鼓而天衣半褫莫能起敬但
速退缺將希保佑之功合宜修崇之誓倘使丹青克煥

結構重新必憑香火之因永拔沉淪之苦幽明洞感罪
疾咸祛象遊不死之鄉國慶無疆之祚烹妖斲魅免助
震於三虫控鶴羈龍笑摧枯於一鹿別置金天之社長
為玉帝之神凡願列名庶同不朽

十會齋文

夫萬殊苦惱仁慈普救于幽冥十會區分王道同歸於
平等當敲棘求哀之地是險囑就涸之時關夷路於前
程遏騰波于沸鼎欲使天人洞感存歿均休乃此日設
齋之意也况屬豐穰方滋仁壽宜邀大眾共締良因無
緣則三道寶階如瑩剝樹有願則十方淨域便越塵區
今則妙供已陳散花乍雨維摩赴會捧瑞露以同沾羅

漢飛空曳危峰而亦至齋衆某等或轅門上列或金穴
豪家將鵠則驥子超群命侶則死眉狎至軒車競路士
女傾揮法鼓雷碾震泉高而動鑄天香馥烈擁日氣
以盤空於是跪捧寶鑪連枝玉軸冀將功德奉用莊嚴
伏願諸玉及五道六曹冥官永作尊神益匡善道使幽
冥共仰蠢動知歸絳繒不讓於樂輸齋潔復申於衆懇
諸曹並受羣品旁沾伏覲過去尊靈見存家眷皆憑護
念免怖況滄恃王心而若恃私心觀地府而如觀天府
必致清涼山之逢異鳥而先告吉祥黑暗空間遇神獸
而別照燭雖營魂遊岱去住無常而苦海登舟免親
共濟生：隨願免在殊泐慶：安居便同極樂凡聞

梵遠脫羈

用題含靈咸蘇密有

注愍征賦述

夫垂象著文炳靈叶爽檀流宗於筆海則時仰龜龍駭
揆藻於天庭則國資雲雨至若金羈角勢錦字爭妍兼
吞漢魏文雄迴跨風騷之域宏才獨振何氏無奇愍征
則會昌中進士盧獻卿著明所作華胄間生冠五百年
高視靈璣在握照十二乘非珍馭縱空以濤蕩竦驅崦
而電軼懇超言象特映古今而妬沮揚蛾妖輕咲鳳惜
歲華之易晚嗟魄桂之憊期舊國蟬催縈盈別怨芳時
駕度浩蕩羈愁愍去邛以抽毫悵征秦而寓旨錯洋在
聽梗槩可陳覩其才情之旖旎也有若霞陣疊鮮金樓

晴天鴛鴦塘 碧芙蓉曙折濃艷思芳瓊樓託粧煙霏晚
媚蛟猶拂翠其雅調之清越也有若縹渺鸞紅鬢媚
空瑤黃淒戾羽磬玲瓏幽人嘯月雜珮敲風其適逸之
壯冠也則若鸞鵬迴舉勞踏天宇鼇抃滄溟蓬瀛倒舞
百萬交鋒雄稜一鼓其寓詞之哀怨也復若血凝蜀魄
猿斷巫峯咽水驚夜冤 霽空日魂慘澹鬼哭荒叢其
交態之無窮也則若月弔邊秋旅恨悠々湘南地古清
輝慶々花映秦人玉洞局春澄流徠直森然目極斯蓋
緣情紛狀觸興冥搜迴景物之盛衰制人臣之哀樂窮
微盡美右排今且自體變江南氣凌節下眎分工拙
可抑揚競耘寂以搜奇則思榮飛動徒牽庸而綴學則

格滯虫埋唯彼邀能是稱入巧泛鋪輕綺騎弄縱如
雅律之未裁八音叶暢類非煙之不染五色相鮮
絕於長淮芳鎮留於終古况愚通家著分總角忘年舟
中則韻仰神仙席上則價饒鸚鵡破琴傷逝無復知音
夢筆搗祥頻驚借彩佇談交之可作嘆寶鏑之徒懸猶
幸斯文備存遺跡々符增感涕下何從昔兩漢辯騷方
聞注釋三都待引即扣賢豪寄測妙以騰褒厲當仁於
命世豈伊孤陋合遠討論將研者遠之機已盡汲深之
力附脩名而不朽量瓌慧以多慙粗析指歸難酬顧遇
銜微明於合璧敢議爭英洞節奏於旋宮竊期攀縵

障車文

自古事冠人倫世綿鳳紀庭列鼎鐘家傳踐履江左雄
張山東閣視王則七世侍中楊則四人太尉雖榮開國
承家未若因官命氏兒郎偉哉使主炳靈標秀應瑞生
賢虹騰照廡鵬運摩天雕彩法甘後齒牙而含咀顛龍
倒鳳縈肺腑而盤旋千般事豈勞借筭萬里程可在著
鞭不學伊呂望竿頭釣他将相不弄作李膺舡子詐道
神仙夫人璇躔濟發金樓延長令儀淑德玉秀蘭芳軒
冕則不饒沂水官婚則別是晉陽兩家好合千載輝光
兒郎偉且子細思量內外端相事：相稱頭：相當某
甲郎不誇才韻小娘子何暇調粧也甚福德也甚康強
二女則牙：學語五男則鴈：成行自然繡畫總解篇

章權手子已為卿相獻門來蓋是丞郎榮連九族富貴
千箱見却你兒女婚嫁特地頭慶高堂兒郎偉重：祝
願一：誇張且看拋賞必不尋常簾下度開繡

勇上牙林珍穢煥爛龍麝馨香金銀器撒來兩點
推高並坊墻音樂嘈噴燈燭熒煌滿盤羅餚大盃酒漿
兒郎偉總擔將歸去教你喜氣揚：更叶頭神佛擁護
門戶吉昌最要夫人娘子賢和會事安存取箇國家可
畏忠良

成均諷

臣聞元胎凝象標器府以飛芒耀魄諧神闕環天而肆
會瑤山激響流妙靡於澹島嶼谷搜音寫玲瓏於嬉鳳

叶六氣則生植必茂文八音則錦繡相宣既象物為省
風乃昭功而示德周旋盡美鞋益隨時清廣嚴標肅和
鳴而侑饗紫壇殷薦受繁祉以貽孫備緝化之玄機契
窮神之妙用故以感動天貺紀網人倫蕩迅羽而落丹
霄帖驚波以澄紺海誘歸昌於瓊樹一變標祥導舜仰
於瑤階三苗罷稷揄揚盛業粉飾玄猷是使鶴列呈妍
駿飛容而合緒龍鑄喪味超浩歎以韋齊而大模久雕
迷風益扇浮音薄思雅曲沉英要年靡漫之娛競弱便
媚之奏金華翠羽逾備飾於充庭去鴈吹蓬已無資於
易俗衍葩莫辨沅僻萌生司成廢齒曹之文端委昧防
民之制雉門笑起誰懲女之荒鳳德日衰典救閔雅

之亂顏波競爽詭趣繁興咿注狂會於日夷叛衍高
於天器瓊樓月榭爭標上國之音柳翠花紅似惹迷
之態况乃高堂騁望團扇傷秋少年狹路之期
蟬之感行人贈恨折楊柳以徘徊隴水分流度

幽明芳樹裏相思之意卷衣追舊寵之懼鳥啼則
於暎々子夜則如憐於秋々漢殿之雲娥一去

魂淮王之仙馭不歸小山留唱鷓鴣輟曉碣石申壯
之悲寶鏑雄鳴獨祿訴分天之憤鴛鴦締思蛟蝶櫻情
襄陽之濃艷驚神勒下之無愁志逆江天浩麗看春思
於龍舟綺閣驕頻媿仙姿於玉樹莫不芳羅假賞不被
謳謠芳情盡寄於絃心巧變逾新於濮上悟晉臣之竊

視其乃哀乎微單子之格言將焉用也復有南鄰宴衍
北里追隨繡軸爭奔蘭堂洞敞閒輕盈而入坑送堯冶
以乘春名編協律之藉妙軼總章之觀玄雲起唱絳樹
分行法嬰之暫賞人間淨琬之曾誇掌上翠娥低斂假
画扇而初凝鳳翼旋披躡染香而不印綠蘿山畔徒有
傳名金閣樓中猶應掩嫋輕埃漸弭泛空碧之橫雲曳
緒黎收失凌波之迴雪既而麟麝器響龍響傾夕族紅
艷於金擎艷蘭英於琥珀瑤釵遶幼粉鏡齊句炫華藻
之新裝捧重霄之宝器淒鏘縹緲輕颺漸拂於花叢怨
鵲和鳴上客潛驚於煙際離筵讓促玉羊橫飛隨珥醜
顏牽裾屢舞戲霏彩筆遙申嫵婉之情月曉蓮塘更亂

雞人之唱必使傾懽買笑悵歸路於太行失意沉情憐
霜鋒於使客且秦圖啟霸先翰蟬媛之工楚劍宣銜寧
謝優倡之拙龜山遠蔽迷津則玄類吹毛魚藻陳規式
宴則唯思在鑄繁華託好論談忘歸盛德何觀雅
喪愉心炫目俱媒越礼之譏異軫分流彌會相遙
猶是史遷銜涕憤沉洎於哀周苟曷披丹願儀形
古廼曰陛下含微握契烘調露之微蹤馭道斯
池之積潤隻龍蕭篤爰欽九辯之神八鳳迎祥再
英之薦非煙毓媚應玉燭以登詩皓質依仁樂神
暢律雖循机之思必無謝于繼韶而制俗之規猶未
於故鄭夫南薰北鄙禍福相滋感物窮微興正曷

聲罷奏建武之貞範斯存妖珖無容太初之芳塵可挹
得不翹襟酌訓徑慮防春揖璇璣養命之符受帝文昭
華之探靈測化但累黍而無差思右妍幽將一變而
可任懸衡睿旨合契軋心造六代之英華汰百王之

絲豈容蘇夔席勢 燭見以邀能高攀憑慶仰群
儒而狗已交唯尚質貴在揚清動以敷愉悼之仁義非
簡節繁文之制不用於明廷非崇嚴煦育之姿不傳於
委巷使牛刀學制必斲武邑之猷鷺羽將持敢懼苑丘
之刺然後返歌鴛於海嶠維舞驥於璜臺魚罷息蔓竹
之陳鞅譯沮兗離之獻掖庭炫吹先罷賞於材人司隸
糾繩次申嚴於權右倘蓮舟帝子獨賅招隱之詩綺殿

台臣別奏登封之頌唯洽禮遽无縱于流連樂則緣情
但取優於名教俾春濃上苑空凝桃李之情月滿西園
寂寞芙蓉之艷式敷園範交暢人情澄積樂於一時靡
清風於四表豈復平西長史薦淑麗以施恩司律中即
恣哇咬而被寵則必三雍八佾休潛濫于豪門春誦夏
絃服祇庸於胄子自然調元演慶開瑞律而貫
俗遺華擗鴻鈞而明揖讓臣業慙待扣思謝域微
傳錦里之謠象舞聞音衿之致孤桐韜響惟均兩
濡泗石含清未冠雲韶之節循蓬返素誓擊壤
汗簡潛心警奪朱而憤實願希風正始擬
推傷化之源克裕開邪之範防微猷于顯慶酌

開元坐鎮澆訛式清
蠹是用撤書諫志慕
高允其人規企日裁
成雖翁卿之說諷春
臺自煦舞希金奏之
和下曲難投猶阻釣
天之薦諭錦屏而託
諷徒欲輸忠仰魏闕
以競魂翻同濫切

司空表聖文集卷第十

國家圖書館, NATIONAL CENTRAL LIBRARY, TAIWAN, R.O.C.

